

Namo tassa bhagavato arahato sammāsambuddhassa

Khuddakanikāye

Therīgāthāpāli

1. Ekakanipāto

1. Aññatarātherīgāthā

1. “Sukhaṃ supāhi therike, katvā coḷena pārutā;
Upasanto hi te rāgo, sukkhaḍākaṃ va kumbhiya”nti.

Itthaṃ sudaṃ aññatarā therī apaññātā bhikkhunī gāthaṃ abhāsithāti.

2. Muttātherīgāthā

2. “Mutte muccassu yogehi, cando rāhuggahā iva;
Vippamuttana cittena, anaṇā bhuñja piṇḍaka”nti.

Itthaṃ sudaṃ bhagavā muttaṃ sikkhamānaṃ imāya gāthāya abhiṇhaṃ ovadatīti.

3. Puṇṇātherīgāthā

3. “Puṇṇe pūrassu dhammehi, cando pannaraseriva;
Paripuṇṇāya paññāya, tamokkhandhaṃ [tamokkhandhaṃ (sī. syā.)] padālayā”ti.

Itthaṃ sudaṃ puṇṇā therī gāthaṃ abhāsithāti.

4. Tissātherīgāthā

4. “Tisse sikkhassu sikkhāya, mā taṃ yogā upaccagum;
Sabbayogavisamṃyuttā, cara loke anāsavā”ti.

... Tissā therī....

5. Aññatarātissātherīgāthā

5. “Tisse yuñjassu dhammehi, khaṇo taṃ mā upaccagā;
Khaṇātītā hi socanti, nirayamhi samappitā”ti.

... Aññatarā tissā therī....

6. Dhīrātherīgāthā

6. “Dhīre nirodhaṃ phusehi [phussehi (sī.)], saññāvūpasamaṃ sukhaṃ;
Ārādhayāhi nibbānaṃ, yogakkhemamanuttara”nti [yogakkhemam anuttaranti (sī. syā.)].

... Dhīrā therī....

7. Vīrātherīgāthā

7. “Vīrā vīrehi [dhīrā dhīrehi (ka.)] dhammehi, bhikkhunī bhāvitindriyā;
Dhārehi antimaṃ dehaṃ, jetvā māraṃ savāhini”nti [savāhananti (ka.).]

... Vīrā therī....

8. Mittātherīgāthā

8. “Saddhāya pabbajitvāna, mitte mittaratā bhava;
Bhāvehi kusale dhamme, yogakkhemassa pattiyā”ti.

... Mittā therī....

9. Bhadrātherīgāthā

9. “Saddhāya pabbajitvāna, bhadre bhadraratā bhava;
Bhāvehi kusale dhamme, yogakkhemamanuttara”nti.

... Bhadrā therī....

10. Upasamātherīgāthā

10. “Upasame tare oghaṃ, maccudheyyaṃ suduttaraṃ;
Dhārehi antimaṃ dehaṃ, jetvā māraṃ savāhana”nti.

... Upasamā therī....

11. Muttātherīgāthā

11. “Sumuttā sādhumuttāmi, tīhi khujjehi muttiyā;
Udukkhalena musalena, patinā khujjakena ca;
Muttāmi jātimaraṇā, bhavanetti samūhatā”ti.

... Muttā therī....

12. Dhammadinnātherīgāthā

12. “Chandajātā avasāyī, manasā ca phuṭā [phuṭhā (syā.), phuṭhā (sī. aṭṭha.)] siyā;
Kāmesu appaṭibaddhacittā [appaṭibandhacittā (ka.)], uddhaṃsotāti vuccatī”ti [uddhaṃsotā
vimuccatīti (sī. pī.).]

... Dhammadinnā therī....

13. Visākhātherīgāthā

13. “Karotha buddhasāsaṇaṃ, yaṃ katvā nānutappati;
Khippaṃ pādāni dhovivā, ekamante nisīdathā”ti.

... Visākhā therī....

14. Sumanātherīgāthā

14. “Dhātuyo dukkhato disvā, mā jātiṃ punarāgami;
Bhave chandaṃ virājetvā, upasantā carissasī”’ti.

... Sumanā therī....

15. Uttarātherīgāthā

15. “Kāyena saṃvutā āsiṃ, vācāya uda cetasā;
Samūlaṃ taṇhamabbuyha, sītibhūtāmi nibbutā”’ti.

... Uttarā therī....

16. Vuḍḍhapabbajitasumanātherīgāthā

16. “Sukhaṃ tvaṃ vuḍḍhike sehi, katvā coḷena pārūtā;
Upasanto hi te rāgo, sītibhūtāsi nibbutā”’ti.

... Sumanā vuḍḍhapabbajitā therī....

17. Dhammātherīgāthā

17. “Piṇḍapātaṃ caritvāna, daṇḍamolubbha dubbalā;
Vedhamānehi gattehi, tattheva nipatiṃ chamā;
Disvā ādīnavaṃ kāye, atha cittaṃ vimucci me”’ti.

... Dhammā therī....

18. Saṅghātherīgāthā

18. “Hitvā ghare pabbajitvā [[pabbajitā \(sī. aṭṭha.\)](#)], hitvā puttaṃ pasuṃ piyaṃ;
Hitvā rāgañca dosañca, avijjañca virājiya;
Samūlaṃ taṇhamabbuyha, upasantāmi nibbutā”’ti.

... Saṅghā therī....

Ekakanipāto niṭṭhito.

2. Dukanipāto

1. Abhirūpanandātherīgāthā

19. [[apa. therī 2.4.157 apadānēpi](#)] “Āturaṃ asuciṃ pūtiṃ, passa nande samussayaṃ;
Asubhāya cittaṃ bhāvehi, ekaggaṃ susamāhitaṃ.
20. “Animittañca bhāvehi, mānānusayamujjaha;
Tato mānābhisamayā, upasantā carissasī”’ti.

Itthaṃ sudaṃ bhagavā abhirūpanandaṃ sikkhamānaṃ imāhi gāthāhi abhiṇhaṃ ovadatīti [itthaṃ sudaṃ bhagavā abhirūpanandaṃ sikkhamānaṃ imāhi gāthāhi abhiṇhaṃ ovadatīti (ka.)].

2. Jentātherīgāthā

21. “Ye ime satta bojjaṅgā, maggā nibbānapattiyā;
Bhāvitā te mayā sabbe, yathā buddhena desitā.
22. “Diṭṭho hi me so bhagavā, antimoyaṃ samussayo;
Vikkhīṇo jātiṣaṃsāro, natthi dāni punabbhavo”’ti.

Itthaṃ sudaṃ jentā therī gāthāyo abhāsittāti.

3. Sumaṅgalamātātherīgāthā

23. “Sumuttikā sumuttikā [sumuttike sumuttike (sī.), sumuttike sumuttikā (syā. ka.)],
sādhumuttikāmhī musalassa;
Ahiriko me chattaṃ vāpi, ukkhalikā me deḍḍubhaṃ vāti.
24. “Rāgañca ahaṃ dosañca, ciccīti ciccīti vihanāmi;
Sā rukkhamūlamupagamma, aho sukhanti sukhato jhāyāmi”’ti.

... Sumaṅgalamātā therī [aññatarā therī bhikkhunī apaññatā (syā. ka.)].

4. Aḍḍhakāsitherīgāthā

25. “Yāva kāsijanapado, suṅko me tatthako ahu;
Taṃ katvā negamo agghaṃ, aḍḍhenagghaṃ ṭhapesi maṃ.
26. “Atha nibbindahaṃ rūpe, nibbindaṅca virajjahaṃ;
Mā puna jātiṣaṃsāraṃ, sandhāveyyaṃ punappunaṃ;
Tisso vijjā sacchikatā, kataṃ buddhassa sāsana”’nti.

... Aḍḍhakāsi therī....

5. Cittātherīgāthā

27. “Kiñcāpi khomhi kisikā, gilānā bālhadubbalā;
Daṇḍamolubbha gacchāmi, pabbataṃ abhirūhiya.
28. “Saṅghāṭiṃ nikkhipitvāna, pattakañca nikuḷjiya;
Sele khambhesimattānaṃ, tamokhandhaṃ padāliya”’ti.

... Cittā therī....

6. Mettikātherīgāthā

29. “Kiñcāpi khomhi dukkhitā, dubbalā gatayobbanā;
Daṇḍamolubbha gacchāmi, pabbataṃ abhirūhiya.
30. “Nikkhipitvāna saṅghāṭiṃ, pattakañca nikuḷjiya;

Nisinnā camhi selamhi, atha cittaṃ vimucci me;
Tisso vijjā anuppattā, kataṃ buddhassa sāsana’’nti.

... Mettikā therī....

7. Mittātherīgāthā

31. ‘‘Cātuddasiṃ pañcadasiṃ, yā ca pakkhassa aṭṭhamī;
Pāṭihāriyapakkhañca, aṭṭhaṅgasusamāgataṃ.
32. ‘‘Uposathaṃ upāgacchiṃ, devakāyābhinandinī;
Sājja ekena bhattena, muṇḍā saṅghāṭipārūtā;
Devakāyaṃ na patthehaṃ, vineyya hadaye dara’’nti.

... Mittā therī....

8. Abhayamātutherīgāthā

33. ‘‘Uddhaṃ pādatalā amma, adho ve kesamatthakā;
Paccavekkhassumaṃ kāyaṃ, asuciṃ pūtigandhikaṃ.
34. ‘‘Evaṃ viharamānāya, sabbo rāgo samūhato;
Pariḷāho samucchinno, sītibhūtāmhi nibbutā’’ti.

... Abhayamātu therī....

9. Abhayātherīgāthā

35. ‘‘Abhaye bhiduro kāyo, yattha satā puthujjanā;
Nikkhipissāmimaṃ dehaṃ, sampajānā satīmatī.
36. ‘‘Bahūhi dukkhadhammehi, appamādaratāya me;
Taṇhakkhayo anuppatto, kataṃ buddhassa sāsana’’nti.

... Abhayā therī....

10. Sāmātherīgāthā

37. ‘‘Catukkhattuṃ pañcakkhattuṃ, vihārā upanikkhamiṃ;
Aladdhā cetaso santiṃ, citte avasavattinī;
Tassā me aṭṭhamī ratti, yato taṇhā samūhatā.
38. ‘‘Bahūhi dukkhadhammehi, appamādaratāya me;
Taṇhakkhayo anuppatto, kataṃ buddhassa sāsana’’nti.

... Sāmā therī....

Dukanipāto niṭṭhito.

3. Tikanipāto

1. Aparāsāmātherīgāthā

39. “Paṇṇavīsativassāni, yato pabbajitāya me;
Nābhijānāmi cittassa, samaṃ laddhaṃ kudācanaṃ.
40. “Aladdhā cetaso santim, citte avasavattinī;
Tato saṃvegamāpādim, saritvā jinasāsaṇaṃ.
41. “Bahūhi dukkhadhammehi, appamādaratāya me;
Taṇhakkhayo anupatto, kataṃ buddhassa sāsanaṃ;
Ajja me sattamī ratti, yato taṇhā visositā”ti.

... Aparā sāmā therī....

2. Uttamātherīgāthā

42. “Catukkhattuṃ pañcakkhattuṃ, vihārā upanikkhamiṃ;
Aladdhā cetaso santim, citte avasavattinī.
43. “Sā bhikkhuniṃ upagacchiṃ, yā me saddhāyikā ahu;
Sā me dhammadesesi, khandhāyanadhātuyo.
44. “Tassā dhammaṃ suṇitvāna, yathā maṃ anusāsi sā;
Sattāhaṃ ekapallaṅkena, nisīdim pītisukhasamappitā [nisīdim sukhasamappitā (sī.)];
Aṭṭhamiyā pāde pasāresiṃ, tamokhandhaṃ padāliyā”ti.

... Uttamā therī....

3. Aparāuttamātherīgāthā

45. “Ye ime satta bojhaṅgā, maggā nibbānapattiyā;
Bhāvitā te mayā sabbe, yathā buddhena desitā.
46. “Suññatassānimittassa, lābhinihaṃ yadicchakaṃ;
Orasā dhītā buddhassa, nibbānābhiratā sadā.
47. “Sabbe kāmā samucchinnā, ye dibbā ye ca mānūsā;
Vikkhīṇo jātiśamsāro, natthi dāni punabbhavo”ti.

... Aparā uttamā therī....

4. Dantikātherīgāthā

48. “Divāvihārā nikkhamma, gijjhakūṭamhi pabbate;
Nāgaṃ ogāhamuttiṇṇaṃ, nadītīramhi addasaṃ.
49. “Puriso aṅkusamādāya, ‘dehi pāda’nti yācati;
Nāgo pasārayī pādaṃ, puriso nāgamāruhi.
50. “Disvā adantaṃ damitaṃ, manussānaṃ vasaṃ gataṃ;
Tato cittaṃ samādhesiṃ, khalu tāya vanaṃ gatā”ti.

... Dantikā therī...

5. Ubbiritherīgāthā

51. “Amma jīvāti vanamhi kandasi, attānaṃ adhigaccha ubbiri;
Cullāsītisahassāni [cūḷāsītisahassāni (sī.)], sabbā jīvasanāmikā;
Etamhāḷāhane daḍḍhā, tāsam kamanusocasi.
52. “Abbahī [abbutī (syā.), abbuḷhaṃ (ka.)] vata me sallam, duddasaṃ hadayassitaṃ
[hadayanissitaṃ (sī. syā.)];
Yaṃ me sokaparetāya, dhītusokaṃ byapānudi.
53. “Sājja abbūḷhasallāhaṃ, nicchātā parinibbutā;
Buddhaṃ dhammañca saṅghañca, upemi saraṇaṃ muni’nti.

... Ubbirī therī...

6. Sukkātherīgāthā

54. “Kiṃme katā rājagahe manussā, madhuṃ pītāva [madhupītāva (sī.)] acchare;
Ye sukkaṃ na upāsanti, desentiṃ buddhasāsaṇaṃ.
55. “Tañca appaṭivānīyaṃ, asecanakamojvaṃ;
Pivanti maññe sappaññā, valāhakamivaddhagū.
56. “Sukkā sukkehi dhammehi, vītarāgā samāhitā;
Dhāreti antimaṃ dehaṃ, jetvā māraṃ savāhana’nti.

... Sukkā therī...

7. Selātherīgāthā

57. “Natthi nissaraṇaṃ loke, kiṃ vivekena kāhasi;
Bhuñjāhi kāmaratiyo, māhu pacchānutāpinī’.
58. “Sattisūlūpamā kāmā, khandhāsaṃ adhikuṭṭanā;
Yaṃ tvam ‘kāmaratiṃ’ brūsi, ‘aratī’ dāni sā mama.
59. “Sabbattha vihatā nandī [nandī (sī. syā.)], tamokhandho padālito;
Evaṃ jānāhi pāpima, nihato tvamasi antakā’ti.

... Selā therī...

8. Somātherīgāthā

60. “Yaṃ taṃ isihi pattabbaṃ, ṭhānaṃ durabhisambhavaṃ;
Na taṃ dvaṅgulapaññāya, sakkā pappotumitthiyā’.
61. “Itthibhāvo no kiṃ kayirā, cittamhi susamāhite;
Ñāṇamhi vattamānamhi, sammā dhammaṃ vipassato.

62. “Sabbattha vihatā nandī, tamokhandho padālito;
Evam jānāhi pāpima, nihato tvamasi antakā”’ti.

... Somā therī....

Tikanipāto niṭṭhito.

4. Catukkanipāto

1. Bhaddākāpilānītherīgāthā

63. “Putto buddhassa dāyādo, kassapo susamāhito;
Pubbenivāsaṃ yovedi, saggāpāyañca passati.
64. “Atho jātikkhayaṃ patto, abhiññāvosito muni;
Etāhi tīhi vijjāhi, tevijjo hoti brāhmaṇo.
65. “Tattheva bhaddā kāpilānī, tevijjā maccuhāyini;
Dhāreti antimam deham, jetvā māraṃ savāhanam.
66. “Disvā ādīnavam loke, ubho pabbajitā mayam;
Tyamha khīṇāsavā dantā, sītibhūtamha nibbutā”’ti.

... Bhaddā kāpilānī therī....

Catukkanipāto niṭṭhito.

5. Pañcakanipāto

1. Aññatarātherīgāthā

67. “Paṇṇavāsativassāni, yato pabbajitā aham;
Nāccharāsaṅghātamattampi, cittassūpasamajjhagam.
68. “Aladdhā cetaso santiṃ, kāmarāgenavassutā;
Bāhā paggayha kandantī, vihāraṃ pāvisiṃ aham.
69. “Sā bhikkhuniṃ upāgacchiṃ, yā me saddhāyikā ahu;
Sā me dhammadesesi, khandhāyanadhātuyo.
70. “Tassā dhammaṃ suṇitvāna, ekamante upāvisiṃ;
Pubbenivāsaṃ jānāmi, dibbacakkhu visodhitam.
71. “Cetopariccañāṇaṃ [cetopariyañāṇa (ka.)], sotadhātu visodhitā;
Iddhīpi me sacchikatā, patto me āsavakkhayo;
Chaḷabhiññā [cha mebbhiññā (syā. ka.)] sacchikatā, kamaṃ buddhassa sāsana”’nti.

... Aññatarā therī

2. Vimalātherīgāthā

72. “Mattā vaṇṇena rūpena, sobhaggena yasena ca;
Yobbanena cupatthaddhā, aññāsamatimaññihaṃ.
73. “Vibhūsetvā imaṃ kāyaṃ, sucittaṃ bālalāpanaṃ;
Aṭṭhāsiṃ vesidvāramhi, luddo pāsamivoḍḍiya.
74. “Pilandhanaṃ vidaṃsentī, guyhaṃ pakāsikaṃ bahuṃ;
Akāsiṃ vividhaṃ māyaṃ, ujjagghantī bahuṃ janāṃ.
75. “Sājja piṇḍaṃ caritvāna, muṇḍā saṅghāṭipārutā;
Nisinnā rukkhamūlamhi, avitakkassa lābhinī.
76. “Sabbe yogā samucchinnā, ye dibbā ye ca mānusā;
Khepetvā āsave sabbe, sītibhūtāmhi nibbutā”’ti.

... Vimalā purāṇagaṇikā therī...

3. Sīhātherīgāthā

77. “Ayoniso manasikārā, kāmarāgena aṭṭitā;
Ahoṣiṃ uddhatā pubbe, citte avasavattinī.
78. “Pariyuṭṭhitā klesehi, subhasaññānuvattinī;
Samaṃ cittassa na labhiṃ, rāgacittavasānugā.
79. “Kisā paṇḍu vivaṇṇā ca, satta vassāni cārihaṃ;
Nāhaṃ divā vā rattiṃ vā, sukhaṃ vindiṃ sudukkhita.
80. “Tato rajjuṃ gahetvāna, pāvisiṃ vanamantaraṃ;
Varaṃ me idha ubbandhaṃ, yañca hīnaṃ punācare.
81. “Daḷhapāsaṃ [daḷhaṃ pāsaṃ (sī.)] karitvāna, rukkhasākhāya bandhiya;
Pakkhipiṃ pāsaṃ gīvāyaṃ, atha cittaṃ vimucci me”’ti.

... Sīhā therī...

4. Sundarīnandātherīgāthā

82. “Āturaṃ asuciṃ pūtiṃ, passa nande samussayaṃ;
Asubhāya cittaṃ bhāvehi, ekaggaṃ susamāhitaṃ.
83. “Yathā idaṃ tathā etaṃ, yathā etaṃ tathā idaṃ;
Duggandhaṃ pūtikaṃ vāti, bālānaṃ abhinanditaṃ.
84. “Evametaṃ avekkhantī, rattindivamatanditā;
Tato sakāya paññāya, abhinibbijja [abhinibbijja (sī. syā.)] dakkhisāṃ.
85. “Tassā me appamattāya, vicinantiyā yoniso;
Yathābhūtaṃ ayaṃ kāyo, diṭṭho santarabāhiro.
86. “Atha nibbindahaṃ kāye, ajjhattañca virajjahaṃ;

Appamattā viṣaṃyuttā, upasantāmhī nibbutā’’ti.

... Sundarīnandā therī....

5. Nanduttarātherīgāthā

87. “Aggiṃ candañca sūriyañca, devatā ca namassihamaṃ;
Nadītitthāni gantvāna, udakamaṃ oruhāmihaṃ.
88. “Bahūvatasamādānā, aḍḍhamaṃ sīsassa olikhiṃ;
Chamāya seyyamaṃ kappemi, rattiṃ bhattamaṃ na bhuñjahaṃ.
89. “Vibhūsāmaṇḍanaratā, nhāpanucchādanehi ca;
Upakāsiṃ imaṃ kāyamaṃ, kāmarāgena aṭṭitā.
90. “Tato saddhamaṃ labhitvāna, pabbajiṃ anagāriyamaṃ;
Disvā kāyamaṃ yathābhūtaṃ, kāmarāgo samūhato.
91. “Sabbe bhavā samucchinnā, icchā ca patthanāpi ca;
Sabbayogaviṣaṃyuttā, santiṃ pāpuṇi cetaso’’ti.

... Nanduttarā therī....

6. Mittākālītherīgāthā

92. “Saddhāya pabbajitvāna, agārasmānagāriyamaṃ;
Vicarīhamaṃ tena tena, lābhasakkāraussukā.
93. “Riñcitvā paramamaṃ atthamaṃ, hīnamatthamaṃ asevihaṃ;
Kilesānaṃ vasaṃ gantvā, sāmāññatthamaṃ na bujjhihaṃ.
94. “Tassā me ahu saṃvego, nisinnāya vihārake;
Ummaggapaṭipannāmhī, taṇhāya vasamāgatā.
95. “Appakamaṃ jīvitamaṃ mayhamaṃ, jarā byādhi ca maddati;
Purāyamaṃ bhijjati [jarāya bhijjate (sī.)] kāyo, na me kālo pamajjitumaṃ.
96. “Yathābhūtamavekkhantī, khandhānaṃ udayabbayamaṃ;
Vimuttacittā uṭṭhāsiṃ, kataṃ buddhassa sāsana’’ntntti.

... Mittā kālī therī....

7. Sakulātherīgāthā

97. “Agārasmiṃ vasantīhamaṃ, dhammaṃ sutvāna bhikkhuno;
Addasaṃ virajamaṃ dhammaṃ, nibbānaṃ padamaccutamaṃ.
98. “Sāhamaṃ puttaṃ dhītarañca, dhanadhaññañca chaḍḍiya;
Kese chedāpayitvāna, pabbajiṃ anagāriyamaṃ.
99. “Sikkhamānā ahaṃ santī, bhāventī maggamañjasaṃ;

Pahāsiṃ rāgadosaṅca, tadekaṭṭhe ca āsave.

100. “Bhikkhunī upasampajja, pubbjātīmanussariṃ;
Dibbacakkhu visodhitam [visodhitam dibbacakkhu (sī.)], vimalam sādhubhāvitam.
101. “Saṅkhāre parato disvā, hetujāte palokite [palokine (ka.)];
Pahāsiṃ āsave sabbe, sītībhūtāmi nibbutā”’ti.

... Sakulā therī...

8. Soṇātherīgāthā

102. “Dasa putte vijāyitvā, asmiṃ rūpasamussaye;
Tatoham dubbalā jīṇṇā, bhikkhuniṃ upasaṅkamim.
103. “Sā me dhammadesesi, khandhāyatanadhātuyo;
Tassā dhammam suṇitvāna, kese chetvāna pabbajim.
104. “Tassā me sikkhamānāya, dibbacakkhu visodhitam;
Pubbenivāsam jānāmi, yattha me vusitam pure.
105. “Animittaṅca bhāvemī, ekaggā susamāhitā;
Anantarāvimokkhāsiṃ, anupādāya nibbutā.
106. “Pañcakkhandhā pariññātā, tiṭṭhanti chinnamūlakā;
Dhi tavatthu jare jamme, natthi dāni punabbhavo”’ti.

... Soṇā therī...

9. Bhaddākuṇḍalakesātherīgāthā

107. “Lūnakesī paṅkadharī, ekasāṭī pure carim;
Avajje vajjamatinī, vajje cāvajjadassinī.
108. “Divāvihārā nikkhamma, gijjhakūṭamhi pabbate;
Addasam virajam buddham, bhikkhusaṅghapurakkhatam.
109. “Nihacca jāṇum vanditvā, sammukhā añjalim akaṃ;
‘Ehi bhadde’ ti maṃ avaca, sā me āsūpasampadā.
110. “Ciṇṇā aṅgā ca magadhā, vajjī kāsī ca kosalā;
Anaṅa paṇṇāsavassāni, raṭṭhapinḍam abhuñjaham.
111. “Puñṇam vata pasavi bahum, sappañño vatāyam upāsako;
Yo bhaddāya cīvaram adāsi, vippamuttāya sabbaganthehī”’ti.

... Bhaddā kuṇḍalakesā therī...

10. Paṭācārātherīgāthā

112. “Naṅgalehi kasam khetam, bījāni pavapam chamā;

Puttadārāni posentā, dhanam vindanti māṇavā.

113. “Kimahaṃ sīlasampannā, satthusāsanakārikā;
Nibbānaṃ nādhigacchāmi, akusītā anuddhatā.
114. “Pāde pakkhālayitvāna, udakesu karomahaṃ;
Pādodakañca disvāna, thalato ninnamāgataṃ.
115. “Tato cittaṃ samādhesiṃ, assaṃ bhadraṃvajāniyaṃ;
Tato dīpaṃ gahetvāna, vihāraṃ pāvisiṃ ahaṃ;
Seyyaṃ olokayitvāna, mañcakamhi upāvisiṃ.
116. “Tato sūciṃ gahetvāna, vaṭṭiṃ okassayāmahaṃ;
Padīpasseva nibbānaṃ, vimokkho ahu cetaso’’ti.

... Paṭācārā therī....

11. Tiṃsamattātherīgāthā

117. “Musalāni gahetvāna, dhaññaṃ koṭṭenti māṇavā [mānavā (sī.)];
Puttadārāni posentā, dhanam vindanti māṇavā.
118. “Karoṭha buddhasāsaṇaṃ, yaṃ katvā nānutappati;
Khippaṃ pādāni dhovivā, ekamante nisīdatha;
Cetosamathamanuyuttā, karoṭha buddhasāsaṇaṃ’.
119. “Tassā tā [taṃ (sī.)] vacanaṃ sutvā, paṭācārāya sāsanaṃ;
Pāde pakkhālayitvāna, ekamantaṃ upāvisuṃ;
Cetosamathamanuyuttā, akaṃsu buddhasāsaṇaṃ.
120. “Rattiyā purime yāme, pubbjātimanussaraṃ;
Rattiyā majjhime yāme, dibbacakkhuṃ visodhayuṃ;
Rattiyā pacchime yāme, tamokhandhaṃ padālayuṃ.
121. “Uṭṭhāya pāde vandiṃsu, ‘katā te anusāsāni;
Indaṃva devā tidasā, saṅgāme aparājitaṃ;
Purakkhatvā vihassāma [vihārāma (sī.), viharissāma (syā.)], tevijjāma anāsavā’’ti.

Itthaṃ sudaṃ tiṃsamattā therī bhikkhuniyo paṭācārāya santike aññaṃ byākariṃsūti.

12. Candātherīgāthā

122. “Duggatāhaṃ pure āsiṃ, vidhavā ca aputtikā;
Vinā mittehi ñātīhi, bhattacoḷassa nādhigaṃ.
123. “Pattaṃ daṇḍaṇca gaṇhitvā, bhikkhamānā kulā kulam;
Sītuṇhena ca ḍayhantī, satta vassāni cārihaṃ.
124. “Bhikkhuniṃ puna disvāna, annapānassa lābhiniṃ;
Upasaṅkamma avocaṃ [avociṃ (ka.)], ‘pabbajjaṃ anagāriyaṃ’.

125. “Sā ca maṃ anukampāya, pabbājesi paṭācārā;
Tato maṃ ovaditvāna, paramatthe niyojayi.
126. “Tassāhaṃ vacanaṃ sutvā, akāsiṃ anusāsaniṃ;
Amogho ayyāyovādo, tevijjāmi anāsavā”’ti.

... Candā therī....

Pañcakanipāto niṭṭhito.

6. Chakkanipāto

1. Pañcasatamattātherīgāthā

127. “Yassa maggaṃ na jānāsi, āgatassa gatassa vā;
Taṃ kuto cāgataṃ sattaṃ [santaṃ (sī.), puttaṃ (syā.)], ‘mama putto’ti rodasi.
128. “Maggañca khossa [kho’tha (syā. ka.)] jānāsi, āgatassa gatassa vā;
Na naṃ samanusocehi, evaṃdhammā hi pāṇino.
129. “Ayācito tatāgacchi, nānuññāto [ananuññāto (sī. syā.)] ito gato;
Kutoci nūna āgantvā, vasitvā katipāhakaṃ;
Itopi aññena gato, tatopaññena gacchati.
130. “Peto manussarūpena, saṃsaranto gamissati;
Yathāgato tathā gato, kā tattha paridevanā”’.
131. “Abbahī [abbuyhaṃ (syā.)] vata me sallaṃ, duddasaṃ hadayassitaṃ;
Yā me sokaparetāya, puttasokaṃ byapānudi.
132. “Sājja abbūlhasallāhaṃ, nicchātā parinibbutā;
Buddhaṃ dhammañca saṅghañca, upemi saraṇaṃ muniṃ”’.

Itthaṃ sudamaṃ pañcasatamattā therī bhikkhuniyo...pe....

2. Vāseṭṭhītherīgāthā

133. “Puttasokenahaṃ aṭṭā, khittacittā visaññinī;
Naggā pakiṇṇakesī ca, tena tena vicārihaṃ.
134. “Vīthi [vasiṃ (sī.)] saṅkārakūṭesu, susāne rathiyāsu ca;
Acarim tīṇi vassāni, khuppiṇāsāsamappitā.
135. “Athaddasāsiṃ sugataṃ, nagaraṃ mithilaṃ pati [gataṃ (ka.)];
Adantānaṃ dametāraṃ, sambuddhamakutobhayaṃ.
136. “Sacittaṃ paṭiladdhāna, vanditvāna upāvisiṃ;
So me dhammadesesi, anukampāya gotamo.
137. “Tassa dhammaṃ suṇitvāna, pabbajiṃ anagāriyaṃ;
Yuñjantī satthuvacane, sacchākāsiṃ padaṃ sivaṃ.

138. “Sabbe sokā samucchinnā, pahīnā etadantikā;
Pariññātā hi me vatthū, yato sokāna sambhavo’’ti.

... Vāseṭṭhī therī....

3. Khemātherīgāthā

139. “Daharā tvaṃ rūpavatī, ahampi daharo yuvā;
Pañcaṅgikena turiyena [tūrena (ka.)], ehi kheme ramāmase’’.
140. “Iminā pūtikāyena, āturena pabhaṅgunā;
Aṭṭiyāmi harāyāmi, kāmataṅhā samūhatā.
141. “Sattisūlūpamā kāmā, khandhāsaṃ adhikuṭṭanā;
Yaṃ ‘tvaṃ kāmaratiṃ’ brūsi, ‘arati’ dāni sā mama.
142. “Sabbattha vihatā nandī, tamokhandho padālito;
Evaṃ jānāhi pāpima, nihato tvamasi antaka.
143. “Nakkhattāni namassantā, aggim paricaraṃ vane;
Yathābhuccamañānantā, bālā suddhimamaññatha.
144. “Ahañca kho namassantī, sambuddhaṃ purisuttamaṃ;
Pamuttā [parimuttā (sī. syā.)] sabbadukkhehi, satthusāsanakārikā’’ti.

... Khemā therī....

4. Sujātātherīgāthā

145. “Alaṅkatā suvasanā, mālinī candanokkhitā;
Sabbābharāṇasañchannā, dāsīgaṇapurakkhatā.
146. “Annaṃ pānañca ādāya, khajjaṃ bhojjaṃ anappakaṃ;
Gehato nikkhamitvāna, uyyānamabhihārayiṃ.
147. “Tattha ramitvā kīḷitvā, āgacchantī sakaṃ gharaṃ;
Vihāraṃ daṭṭhuṃ pāvisiṃ, sākete añjanaṃ vanaṃ.
148. “Disvāna lokapajjotaṃ, vanditvāna upāvisiṃ;
So me dhammadesesi, anukampāya cakkhumā.
149. “Sutvā ca kho mahesissa, saccaṃ sampaṭivijjhahaṃ;
Tattheva virajaṃ dhammaṃ, phusayiṃ amataṃ padaṃ.
150. “Tato viññātasaddhammā, pabbajiṃ anagāriyaṃ;
Tisso vijjā anuppattā, amoghaṃ buddhasāsana’’nti.

... Sujātā therī....

5. Anopamātherīgāthā

151. “Ucce kule ahaṃ jātā, bahuvitte mahaddhane;
Vaṇṇarūpena sampannā, dhītā majjhassa [meghassa (sī.), meghissa (syā.)] atrajā.
152. “Patthitā rājaputtehi, seṭṭhiputtehi gijjhītā [seṭṭhiputtehi bhijjhītā (sī.)];
Pītu me pesayī dūtaṃ, detha mayhaṃ anopamaṃ.
153. “Yattakaṃ tulitā esā, tuyhaṃ dhītā anopamā;
Tato aṭṭhagaṇaṃ dassaṃ, hiraññaṃ ratanāni ca.
154. “Sāhaṃ disvāna sambuddhaṃ, lokajeṭṭhaṃ anuttaraṃ;
Tassa pādāni vanditvā, ekamantaṃ upāvisiṃ.
155. “So me dhammadesesi, anukampāya gotamo;
Nisinnā āsane tasmīṃ, phusayiṃ tatiyaṃ phalaṃ.
156. “Tato kesāni chetvāna, pabbajiṃ anagāriyaṃ;
Ajja me sattaṃ ratti, yato taṇhā visositā’ ti.

... Anopamā therī....

6. Mahāpajāpatigotamītherīgāthā

157. “Buddha vīra namo tyatthu, sabbasattānamuttama;
Yo maṃ dukkhā pamocesi, aññañca bahukaṃ jaṇaṃ.
158. “Sabbadukkhāṃ pariññātaṃ, hetutaṇhā visositā;
Bhāvito aṭṭhaṅgiko [ariyaṭṭhaṅgiko (sī. ka.), bhāvitaṭṭhaṅgiko (syā.)] maggo, nirodho phusito
mayā.
159. “Mātā putto pitā bhātā, ayyakā ca pure ahuṃ;
Yathābhuccamañāntī, saṃsariṃhaṃ anibbisaṃ.
160. “Diṭṭho hi me so bhagavā, antimoyaṃ samussayo;
Vikkhīṇo jātisamsāro, natthi dāni punabbhavo.
161. “Āraddhavīriye pahitatte, niccaṃ daḷhaparakkame;
Samagge sāvake passe, esā buddhāna vandanā.
162. “Bahūnaṃ [bahunnaṃ (sī. syā.)] vata atthāya, māyā janayi gotamaṃ;
Byādhimaraṇatunnānaṃ, dukkhakkhandhaṃ byapānudi’ ti.

... Mahāpajāpatigotamī therī....

7. Guttātherīgāthā

163. “Gutte yadatthaṃ pabbajjā, hitvā puttaṃ vasaṃ piyaṃ;
Tameva anubrūhehi, mā cittaṃ vasaṃ gami.
164. “Cittena vañcitā sattā, mārasa visaye ratā;
Anekajātisamsāraṃ, sandhāvanti aviddasū.

165. “Kāmacchandañca byāpādaṃ, sakkāyaditthimeva ca;
Sīlabbataparāmāsaṃ, vicikicchañca pañcamaṃ.
166. “Saṃyojanāni etāni, pajahitvāna bhikkhunī;
Orambhāgamanīyāni, nayidaṃ punarehisi.
167. “Rāgaṃ mānaṃ avijjañca, uddhaccañca vivajjiya;
Saṃyojanāni chetvāna, dukkhassantaṃ karissasi.
168. “Khepetvā jātisaṃsāraṃ, pariññāya punabbhavaṃ;
Diṭṭheva dhamme nicchātā, upasantā carissatī’ ti.

... Guttā therī....

8. Vijayātherīgāthā

169. “Catukkhattuṃ pañcakkhattuṃ, vihārā upanikkhamiṃ;
Aladdhā cetaso santiṃ, citte avasavattinī.
170. “Bhikkhuniṃ upasaṅkamma, sakkaccaṃ paripucchahaṃ;
Sā me dhammadesesi, dhātuāyatanāni ca.
171. “Cattāri ariyasaccāni, indriyāni balāni ca;
Bojjhaṅgaṭṭhaṅgikaṃ maggaṃ, uttamatthassa pattiya.
172. “Tassāhaṃ vacanaṃ sutvā, karontī anusāsaniṃ;
Rattiyā purime yāme, pubbajātimanussariṃ.
173. “Rattiyā majjhime yāme, dibbacakkhuṃ visodhayiṃ;
Rattiyā pacchime yāme, tamokhandhaṃ padālayiṃ.
174. “Pītisukhena ca kāyaṃ, pharitvā vihariṃ tadā;
Sattamiyā pāde pasāresim, tamokhandhaṃ padāliya’ ti.

... Vijayā therī....

Chakkanipāto niṭṭhito.

7. Sattakanipāto

1. Uttarātherīgāthā

175. “Musalāni gahetvāna, dhaññaṃ koṭṭenti māṇavā;
Puttadārāni posentā, dhanam vindanti māṇavā.
176. “Ghaṭetha buddhasāsane, yaṃ katvā nānutappati;
Khippaṃ pādāni dhovivā, ekamantaṃ nisīdatha.
177. “Cittaṃ upaṭṭhapetvāna, ekaggaṃ susamāhitaṃ;
Paccavekkhatha saṅkhāre, parato no ca attato’.

178. “Tassāhaṃ vacanaṃ sutvā, paṭācārānusāsaniṃ;
Pāde pakkhālayitvāna, ekamante upāvisiṃ.
179. “Rattiyā purime yāme, pubbjātīmanussariṃ;
Rattiyā majjhime yāme, dibbacakkhuṃ visodhayiṃ.
180. “Rattiyā pacchime yāme, tamokkhandhaṃ padālayiṃ;
Tevijjā atha vuṭṭhāsiṃ, katā te anusāsani.
181. “Sakkaṃva devā tidasā, saṅgāme aparājitaṃ;
Purakkhatvā vihassāmi, tevijjāmi anāsavā”.

... Uttarā therī....

2. Cālātherīgāthā

182. “Satiṃ upaṭṭhapetvāna, bhikkhunī bhāvitindriyā;
Paṭivijjhi padaṃ santaṃ, saṅkhārūpasamaṃ sukhaṃ”.
183. “Kaṃ nu uddissa muṇḍāsī, samaṇī viya dissasi;
Na ca rocesi pāsaṇḍe, kimidaṃ carasi momuhā”.
184. “Ito bahiddhā pāsaṇḍā, diṭṭhiyo upanissitā;
Na te dhammaṃ vijānanti, na te dhammassa kovidā.
185. “Atthi sakyakule jāto, buddho appaṭipuggalo;
So me dhammamadesesi, diṭṭhīnaṃ samatikkamaṃ.
186. “Dukkaṃ dukkhasamuppādaṃ, dukkhassa ca atikkamaṃ;
Ariyaṃ caṭṭhaṅgikaṃ maggaṃ, dukkhūpasamaḡāmiṃ.
187. “Tassāhaṃ vacanaṃ sutvā, vihariṃ sāsane ratā;
Tisso vijjā anuppattā, kataṃ buddhassa sāsanaṃ.
188. “Sabbattha vihatā nandī, tamokkhandho padālito;
Evaṃ jānāhi pāpima, nihato tvamasi antaka”.

... Cālā therī....

3. Upacālātherīgāthā

189. “Satimatī cakkhumatī, bhikkhunī bhāvitindriyā;
Paṭivijjhiṃ padaṃ santaṃ, akāpurisasevitaṃ”.
190. “Kiṃ nu jātiṃ na rocesi, jāto kāmāni bhuñjati;
Bhuñjāhi kāmaratiyo, māhu pacchānutāpini”.
191. “Jātassa maraṇaṃ hoti, hatthapādāna chedanāṃ;
Vadhabandhapariklesaṃ, jāto dukkaṃ nigacchati.
192. “Atthi sakyakule jāto, sambuddho aparājito;

So me dhammadesesi, jātiyā samatikkamaṃ.

193. “Dukkhaṃ dukkhasamuppādaṃ, dukkhassa ca atikkamaṃ;
Ariyaṃ caṭṭhaṅgikaṃ maggaṃ, dukkhūpasamagāmiṇaṃ.
194. “Tassāhaṃ vacanaṃ sutvā, vihariṃ sāsane ratā;
Tisso vijjā anuppattā, kataṃ buddhassa sāsanaṃ.
195. “Sabbattha vihatā nandī, tamokhandho padālito;
Evaṃ jānāhi pāpima, nihato tvamasi antaka”.

... Upacālā therī....

Sattakanipāto niṭṭhito.

8. Aṭṭhakanipāto

1. Sīsūpacālātherīgāthā

196. “Bhikkhunī sīlasampannā, indriyesu susaṃvutā;
Adhigacche padaṃ santaṃ, asecanakamojamaṃ”.
197. “Tāvatiṃsā ca yāmā ca, tusitā cāpi devatā;
Nimmānaratino devā, ye devā vasavattino;
Tattha cittaṃ paṇīdhehi, yattha te vusitaṃ pure”.
198. “Tāvatiṃsā ca yāmā ca, tusitā cāpi devatā;
Nimmānaratino devā, ye devā vasavattino.
199. “Kālaṃ kālaṃ bhavābhavaṃ, sakkāyasmaṃ purakkhatā;
Avītivattā sakkāyaṃ, jātimaraṇasārino.
200. “Sabbo ādīpito loko, sabbo loko paḍīpito;
Sabbo pajjalito loko, sabbo loko pakampito.
201. “Akampiyaṃ atuliyāṃ, aputhujjanasevitaṃ;
Buddho dhammadesesi, tattha me nirato mano.
202. “Tassāhaṃ vacanaṃ sutvā, vihariṃ sāsane ratā;
Tisso vijjā anuppattā, kataṃ buddhassa sāsanaṃ.
203. “Sabbattha vihatā nandī, tamokhandho padālito;
Evaṃ jānāhi pāpima, nihato tvamasi antaka”.

... Sīsūpacālā therī....

Aṭṭhakanipāto niṭṭhito.

9. Navakanipāto

1. Vaḍḍhamātutherīgāthā

204. “Mā su te vaḍḍha lokamhi, vanatho āhu kudācanaṃ;
Mā puttaka punappunaṃ, ahu dukkhassa bhāgimā.
205. “Sukhañhi vaḍḍha munayo, anejā chinnaṃsaṃsāyā;

- Sītibhūtā damappattā, viharanti anāsavā.
206. “Tehānuciṇṇaṃ isībhi, maggaṃ dassanapattiyā;
 Dukkassantakiriyāya, tvam vaḍḍha anubrūhaya”.
207. “Visāradāva bhaṇasi, etamatthaṃ janetti me;
 Maññāmi nūna māmike, vanatho te na vijjati”.
208. “Ye keci vaḍḍha saṅkhārā, hīnā ukkaṭṭhamajjhimā;
 Aṇūpi aṇumattopi, vanatho me na vijjati.
209. “Sābhe me āsavā khīṇā, appamattassa jhāyato;
 Tisso vijjā anuppattā, kataṃ buddhassa sāsanaṃ”.
210. “Uḷāraṃ vata me mātā, patodaṃ samavassari;
 Paramatthasañhitā gāthā, yathāpi anukampikā.
211. “Tassāhaṃ vacanaṃ sutvā, anusitṭhiṃ janettiyā;
 Dhammasaṃvegamaṃpādiṃ, yogakkhemassa pattiyā.
212. “Sohaṃ padhānapahitatto, rattindivamatandito;
 Mātārā codito santo, aphaṣiṃ santimuttamaṃ”.

... Vaḍḍhamātā therī....

Navakanipāto niṭṭhito.

10. Ekādasanipāto

1. Kisāgotamītherīgāthā

- 213.** “Kalyāṇamittatā muninā, lokaṃ ādissa vaṇṇitā;
 Kalyāṇamitte bhajamāno, api bālo paṇḍito assa.
214. “Bhajitabbā sappurisā, paññā tathā vaḍḍhati bhajantānaṃ;
 Bhajamāno sappurise, sabbehipi dukkhehi pamucceyya.
215. “Dukkhañca vijāneyya, dukkhassa ca samudayaṃ nirodhaṃ;
 Aṭṭhaṅgikañca maggaṃ, cattāripi ariyasaccāni.
216. “Dukkho itthibhāvo, akkhāto purisadammasārathinā;
 Sapattikampi hi dukkhaṃ, appekaccā sakiṃ vijātāyo.
217. “Galake api kantanti, sukhumālīniyo visāni khādanti;
 Janamārakamajjhagatā, ubhopi byasanāni anubhonti.
218. “Upavijaññā gacchantī, addasāhaṃ patim matam;
 Panthamhi vijāyitvāna, appattāva sakaṃ gharam.
219. “Dve puttā kālakatā, patī ca panthe mato kapaṇikāya;
 Mātā pitā ca bhātā, ḍayhanti ca ekacitakāyaṃ.
220. “Khīṇakulīne kapaṇe, anubhūtaṃ te dukhaṃ aparimāṇaṃ;
 Assū ca te pavattaṃ, bahūni ca jātisahassāni.

221. “Vasitā susānamajjhe, athopi khāditāni puttamaṃṣāni;
Hatakulikā sabbagarahitā, matapatikā amatamadhigacchiṃ.
222. “Bhāvito me maggo, ariyo aṭṭhaṅgiko amatagāmī;
Nibbānaṃ sacchikatam, dhammādāsaṃ avekkhiṃhaṃ [apekkhihaṃ (sī.)].
223. “Ahamamhi kantasallā, ohitabhārā katañhi karaṇīyaṃ;
Kisā gotamī therī, vimuttacittā imaṃ bhaṇī”ti.
... Kisā gotamī therī....

Ekādasanipāto niṭṭhito.

11. Dvādasakanipāto

1. Uppalavaṇṇātherīgāthā

224. “Ubho mātā ca dhītā ca, mayaṃ āsuṃ [ābhuṃ (sī.)] sapattiyo;
Tassā me ahu saṃvego, abbhuto lomahaṃsano.
225. “Dhiratthu kāmā asucī, duggandhā bahukaṇṭakā;
Yattha mātā ca dhītā ca, sabhariyā mayaṃ ahuṃ.
226. “Kāmesvādīnaṃ disvā, nekkhammaṃ daṭṭhu khemato;
Sā pabbajjīṃ rājagahe, agārasmānagāriyaṃ.
227. “Pubbenivāsaṃ jānāmi, dibbacakkuṃ visodhitam;
Cetopariccañāṇaṇca, sotadhātu visodhitā.
228. “Iddhīpi me sacchikatā, patto me āsavakkhayo;
Chaḷabhiññā sacchikatā, kataṃ buddhassa sāsanaṃ.
229. “Iddhiyā abhinimmitvā, caturassaṃ rathaṃ ahaṃ;
Buddhassa pāde vanditvā, lokanāthassa tādino” [sirīmato (syā. ka.)].
230. “Supupphitaggaṃ upagamma pādapaṃ, ekā tuvaṃ tiṭṭhasi sālamūle [rukkhamūle (syā. ka.)];
Na cāpi te dutiyo atthi koci, na tvam bāle bhāyasi dhuttakānaṃ”.
231. “Sataṃ sahasānīpi dhuttakānaṃ, samāgatā edisakā bhavyeyuṃ;
Lomaṃ na iñje nāpi sampavedhe, kiṃ me tuvaṃ māra karissaseko.
232. “Esā antaradhāyāmi, kucchiṃ vā pavisāmi te;
Bhamukantare tiṭṭhāmi, tiṭṭhantiṃ maṃ na dakkhasi.
233. “Cittamhi vasībhūtāhaṃ, iddhipādā subhāvitā;
Chaḷabhiññā sacchikatā, kataṃ buddhassa sāsanaṃ.
234. “Sattisūlūpamā kāmā, khandhāsaṃ adhikuṭṭanā;
Yaṃ tvam ‘kāmaratiṃ’ brūsi, ‘arati’ dāni sā mama.
235. “Sabbattha vihatā nandī, tamokhandho padālito;
Evaṃ jānāhi pāpima, nihato tvamasi antakā”ti.

... Uppalavaṇṇā therī....

Dvādasanipāto niṭṭhito.

12. Soḷasanipāto

1. Puṇṇātherīgāthā

236. “Udahārī ahaṃ sīte [udakamāhariṃ sīte (sī.)], sadā udakamotarīṃ;
Ayyānaṃ daṇḍabhayaabhītā, vācādosabhayaṭṭitā.
237. “Kassa brāhmaṇa tvaṃ bhīto, sadā udakamotari;
Vedhamānehi gattehi, sītaṃ vedayase bhusaṃ”.
238. Jānantī vata maṃ [jānantī ca tvaṃ (ka.)] bhoti, puṇṇike paripucchasi;
Karontaṃ kusalaṃ kammaṃ, rundhantaṃ katapāpakam.
239. “Yo ca vuḍḍho daharo vā, pāpakammaṃ pakubbati;
Dakābhisecanā sopi, pāpakammā pamuccati”.
240. “Ko nu te idamakkhāsi, ajānantassa ajānako;
Dakābhisecanā nāma, pāpakammā pamuccati.
241. “Saggaṃ nūna gamissanti, sabbe maṇḍūkakacchapā;
Nāgā [nakkā (sī.)] ca susumārā ca, ye caññe uduke carā.
242. “Orabbhikā sūkarikā, macchikā migabandhakā;
Corā ca vajjhaghātā ca, ye caññe pāpakammino;
Dakābhisecanā tepi, pāpakammā pamuccare.
243. “Sace imā nadiyo te, pāpaṃ pubbe kataṃ vahaṃ;
Puññampimā vaheyyuṃ te, tena tvaṃ paribāhiro.
244. “Yassa brāhmaṇa tvaṃ bhīto, sadā udakamotari;
Tameva brahme mā kāsi, mā te sītaṃ chaviṃ hane”.
245. “Kummaggapaṭipannaṃ maṃ, ariyamaggaṃ samānaya;
Dakābhisecanā bhoti, imaṃ sātaṃ dadāmi te”.
246. “Tuyheva sāṭako hotu, nāhamicchāmi sāṭakaṃ;
Sace bhāyasi dukkhassa, sace te dukkhamappiyaṃ.
247. “Mākāsi pāpakam kammaṃ, āvi vā yadi vā raho;
Sace ca pāpakam kammaṃ, karissasi karosi vā.
248. “Na te dukkhā pamutyatthi, upeccāpi [uppaccāpi (aṭṭha. pāṭhantaram)] palāyato;
Sace bhāyasi dukkhassa, sace te dukkhamappiyaṃ.
249. “Upehi saraṇaṃ buddhaṃ, dhammaṃ saṅghaṇca tādinaṃ;
Samādiyāhi sīlāni, taṃ te atthāya hehiti”.
250. “Upemi saraṇaṃ buddhaṃ, dhammaṃ saṅghaṇca tādinaṃ;
Samādiyāmi sīlāni, taṃ me atthāya hehiti.

251. “Brahmabandhu pure āsim, ajjamhi saccabrāhmaṇo;
Tevijjo vedasampanno, sottiyo camhi nhātaḥ”ti.

... Puṇṇā therī....

Soḷasanipāto niṭṭhito.

13. Vīsatinipāto

1. Ambapālītherīgāthā

252. “Kāḷakā bhamaravaṇṇasādisā, vellitaggaṃ mama muddhajā ahuṃ;
Te jarāya sāṇavākasādisā, saccavādivacanaṃ anaññathā.

253. ~~253.~~ Sāsitova surabhī karaṇḍako, pupphapūra mama uttamaṅgajo [uttamaṅgabhūto (ka.)].

Taṃ jarāyatha salomagandhikaṃ, saccavādivacanaṃ anaññathā.

254. “Kānanamva sahitaṃ suropitaṃ, kocchasūcivicitaggasobhitaṃ;
Taṃ jarāya viralaṃ tahiṃ tahiṃ, saccavādivacanaṃ anaññathā.

255. “Kaṇhakhandhakasuvaṇṇamaṇḍitaṃ, sobhate suveṇīhilaṅkataṃ;
Taṃ jarāya khalitaṃ siramaṃ kataṃ, saccavādivacanaṃ anaññathā.

256. “Cittakārasukatāva lekhikā, sobhare su bhamukā pure mama;
Tā jarāya valibhippalambitā, saccavādivacanaṃ anaññathā.

257. “Bhassarā surucirā yathā maṇī, nettahesumabhinīlamāyatā;
Te jarāyabhīhatā na sobhare, saccavādivacanaṃ anaññathā.

258. “Saṇhatuṅgasadisī ca nāsikā, sobhate su abhiyobbanam pati;
Sā jarāya upakūlitā viya, saccavādivacanaṃ anaññathā.

259. “Kaṅkaṇam va sukataṃ suniṭṭhitaṃ, sobhare su mama kaṇṇapāḷiyo;
Tā jarāya valibhippalambitā, saccavādivacanaṃ anaññathā.

260. “Pattalīmakulavaṇṇasādisā, sobhare su dantā pure mama;
Te jarāya khaṇḍitā cāsītā [pītakā (sī.)], saccavādivacanaṃ anaññathā.

261. “Kānanamhi vanasaṇḍacārīnī, kokilāva madhuraṃ nikūjīhaṃ;
Taṃ jarāya khalitaṃ tahiṃ tahiṃ, saccavādivacanaṃ anaññathā.

262. “Saṇhakamburiva suppamajjitā, sobhate su gīvā pure mama;
Sā jarāya bhaggā [bhañjitā (?)] vināmitā, saccavādivacanaṃ anaññathā.

263. “Vaṭṭapalighasadisopamā ubho, sobhare su bāhā pure mama;
Tā jarāya yatha pāṭalibbalitā [yathā pāṭalippalitā (sī. syā. ka.)], saccavādivacanaṃ anaññathā.

264. “Saṇhamuddikasuvaṇṇamaṇḍitā, sobhare su hatthā pure mama;
Te jarāya yathā mūlamūlikā, saccavādivacanaṃ anaññathā.

265. “Pīnavatṭasahituggatā ubho, sobhare [sobhate (aṭṭha.)] su thanakā pure mama;
Thevikīva lambanti nodakā, saccavādivacanaṃ anaññathā.
266. “Kañcanassaphalakaṃva sammaṭṭhaṃ, sobhate su kāyo pure mama;
So valīhi sukhumāhi otato, saccavādivacanaṃ anaññathā.
267. “Nāgabhogasadisopamā ubho, sobhare su ūrū pure mama;
Te jarāya yathā veḷunāḷiyo, saccavādivacanaṃ anaññathā.
268. “Saṅhanūpurasuvaṇṇamaṇḍitā, sobhare su jaṅghā pure mama;
Tā jarāya tiladaṇḍakāriva, saccavādivacanaṃ anaññathā.
269. “Tūlapuṇṇasadisopamā ubho, sobhare su pādā pure mama;
Te jarāya phuṭitā valīmatā, saccavādivacanaṃ anaññathā.
270. “Ediso ahu ayaṃ samussayo, jajjaro bahudukkhānamālayo;
Sopalepapatito jarāgharo, saccavādivacanaṃ anaññathā”.

... Ambapālī therī....

2. Rohinītherīgāthā

271. “‘Samaṇā’ti bhoti supi [bhoti tvaṃ sayasi (sī.), bhoti maṃ vipassi (syā.)], ‘samaṇā’ti
pabujjhasi [paṭibujjhasi (sī. syā.)];
Samaṇāneva [samaṇānameva (sī. syā.)] kittesi, samaṇī nūna [samaṇī nu (ka.)] bhavissasi.
272. “Vipulaṃ annaṅca pānaṅca, samaṇānaṃ paveccasi [payacchasi (sī.)];
Rohinī dāni pucchāmi, kena te samaṇā piyā.
273. “Akammakāmā alasā, paradattūpajīvino;
Āsaṃsukā sādukāmā, kena te samaṇā piyā”.
274. “Cīrassaṃ vata maṃ tāta, samaṇānaṃ paripucchasi;
Tesaṃ te kittayissāmi, paññāsīlaparakkamaṃ.
275. “Kammakāmā analasā, kammasetṭhassa kārakā;
Rāgaṃ dosaṃ pajahanti, tena me samaṇā piyā.
276. “Tīṇi pāpassa mūlāni, dhunantntti sucikārino;
Sabbāṃ pāpaṃ pahīnesaṃ, tena me samaṇā piyā.
277. “Kāyakammaṃ suci nesaṃ, vacīkammaṅca tādīsaṃ;
Manokammaṃ suci nesaṃ, tena me samaṇā piyā.
278. “Vimalā saṅkhamuttāva, suddhā santarabāhirā;
Puṇṇā sukkāna dhammānaṃ [sukkehi dhammehi (sī. syā. aṭṭha.)], tena me samaṇā piyā.
279. “Bahussutā dhammadharā, ariyā dhammajīvino;
Atthaṃ dhammaṅca desenti, tena me samaṇā piyā.
280. “Bahussutā dhammadharā, ariyā dhammajīvino;
Ekaggacittā satimanto, tena me samaṇā piyā.

281. “Dūraṅgamā satimanto, mantabhāṇī anuddhatā;
Dukkassantaṃ pajānanti, tena me samaṇā piyā.
282. “Yasmā gāmā pakkamanti, na vilokenti kiñcanaṃ;
Anapekkhāva gacchanti, tena me samaṇā piyā.
283. “Na tesam koṭṭhe openti, na kumbhiṃ na khaḷopiyam;
Pariniṭṭhitamesānā, tena me samaṇā piyā.
284. “Na te hiraññaṃ gaṇhanti, na suvaṇṇaṃ na rūpiyaṃ;
Paccuppanna yāpentī, tena me samaṇā piyā.
285. “Nānākulā pabbajitā, nānājanapadehi ca;
Aññaṃaṇṇaṃ piyāyanti [[pihayanti \(ka.\)](#)], tena me samaṇā piyā”.
286. “Atthāya vata no bhoti, kule jātāsī rohinī;
Saddhā buddhe ca dhamme ca, saṅghe ca tibbagāravā.
287. “Tuvaṃ hetam pajānāsī, puññaṃkhettaṃ anuttaram;
Amhampi ete samaṇā, paṭigaṇhanti dakkhiṇaṃ”.
288. “Paṭiṭṭhito hettha yañño, vipulo no bhavissati;
Sace bhāyasi dukkhassa, sace te dukkhamappiyaṃ.
289. “Upehi saraṇaṃ buddhaṃ, dhammaṃ saṅghaṇca tādinaṃ;
Samādiyāhi sīlāni, taṃ te atthāya hehiti”.
290. “Upemi saraṇaṃ buddhaṃ, dhammaṃ saṅghaṇca tādinaṃ;
Samādiyāmi sīlāni, taṃ me atthāya hehiti.
291. “Brahmabandhu pure āsiṃ, so idānimhi brāhmaṇo;
Tevijjo sottiyo camhi, vedagū camhi nhātako”.

... Rohinī therī....

3. Cāpātherīgāthā

292. “Laṭṭhihattho pure āsi, so dāni migaluddako;
Āsāya palipā ghorā, nāsakkhi pārametave.
293. “Sumattaṃ maṃ maññaṃānā, cāpā puttamosayi;
Cāpāya bandhanaṃ chetvā, pabbajissaṃ punopahaṃ.
294. “Mā me kujjhi mahāvīra, mā me kujjhi mahāmuni;
Na hi kodhaparetassa, suddhi atthi kuto tapo.
295. “Pakkamissaṇca nāḷāto, kodha nāḷāya vacchati;
Bandhantī itthirūpena, samaṇe dhammajīvino” [[dhammajīvine \(ka.\)](#)].
296. “Ehi kāḷa nivattassu, bhuñja kāme yathā pure;
Ahaṇca te vasīkatā, ye ca me santi nātakā”.

297. “Etto cāpe catubbhāgaṃ, yathā bhāsasi tvañca me;
Tayi rattassa posassa, uḷāraṃ vata taṃ siyā”.
298. “Kāḷaṅginiṃva takkāriṃ, pupphitaṃ girimuddhani;
Phullaṃ dālimalaṭṭhiṃva, antodīpeva pāṭaliṃ.
299. “Haricandanalittaṅgiṃ, kāsikuttamadhāriṃ;
Taṃ maṃ rūpavatiṃ santiṃ, kassa ohāya gacchasi”.
300. “Sākuntikova sakuṇiṃ [sakuṇaṃ (syā.)], yathā bandhitumicchati;
Āharimena rūpena, na maṃ tvaṃ bādhayissasi”.
301. “Imañca me puttaphalaṃ, kāḷa uppāditāṃ tayā;
Taṃ maṃ puttavatiṃ santiṃ, kassa ohāya gacchasi”.
302. “Jahanti putte sappaññā, tato ñātī tato dhanaṃ;
Pabbajanti mahāvīrā, nāgo chetvāva bandhanaṃ”.
303. “Idāni te imaṃ puttaṃ, daṇḍena churikāya vā;
Bhūmiyaṃ vā nisumbhissaṃ [nisumbheyyaṃ (sī.)], puttasokā na gacchasi”.
304. “Sace puttaṃ siṅgālānaṃ, kukkurānaṃ padāhisi;
Na maṃ puttakatte jammi, punarāvattayissasi”.
305. “Handa kho dāni bhaddante, kuhiṃ kāḷa gamissasi;
Katamaṃ gāmanigamaṃ, nagaraṃ rājadhāniyo”.
306. “Ahumha pubbe gaṇino, assamaṇā samaṇamānino;
Gāmena gāmaṃ vicarimha, nagare rājadhāniyo.
307. “Eso hi bhagavā buddho, nadiṃ nerañjaraṃ pati;
Sabbadukkhappahānāya, dhammaṃ desetī pāṇinaṃ;
Tassāhaṃ santikaṃ gacchaṃ, so me sathā bhavissati”.
308. “Vandanaṃ dāni vajjāsi, lokanāthaṃ anuttaraṃ;
Padakkhiṇaṃca katvāna, ādiseyyāsi dakkhiṇaṃ”.
309. “Etaṃ kho labbhamamhehi, yathā bhāsasi tvañca me;
Vandanaṃ dāni te vajjaṃ, lokanāthaṃ anuttaraṃ;
Padakkhiṇaṃca katvāna, ādisissāmi dakkhiṇaṃ”.
310. Tato ca kāḷo pakkāmi, nadiṃ nerañjaraṃ pati;
So addasāsi sambuddhaṃ, desentaṃ amataṃ padaṃ.
311. Dukkaṃ dukkhasamuppādaṃ, dukkhassa ca atikkamaṃ;
Ariyaṃ caṭṭhaṅgikaṃ maggaṃ, dukkhūpasamagāmināṃ.
312. Tassa pādāni vanditvā, katvāna naṃ [katvānaṃ (sī.)] padakkhiṇaṃ;
Cāpāya ādisitvāna, pabbajimānagāriyaṃ;
Tisso vijjā anuppattā, kataṃ buddhassa sāsaṇaṃ.

... Cāpā therī....

4. Sundarītherīgāthā

313. “Petāni bhoti puttāni, khādamānā tuvaṃ pure;
Tuvaṃ divā ca ratto ca, atīva paritappasi.
314. “Sājja sabbāni khāditvā, sataputtāni [satta puttāni (syā.)] brāhmaṇī;
Vāseṭṭhi kena vaṇṇena, na bālhaṃ paritappasi”.
315. “Bahūni puttāsātāni, nātisaṅghasātāni ca;
Khāditāni atītaṃse, mama tuyhañca brāhmaṇa.
316. “Sāhaṃ nissaraṇaṃ ñatvā, jātiyā maraṇassa ca;
Na socāmi na rodāmi, na cāpi paritappayim”.
317. “Abbhutaṃ vata vāseṭṭhi, vācaṃ bhāsasi edisiṃ;
Kassa tvaṃ dhammamaññāya, giraṃ [thiraṃ (sī.)] bhāsasi edisiṃ”.
318. “Esa brāhmaṇa sambuddho, nagaraṃ mithilaṃ pati;
Sabbadukkhappahānāya, dhammaṃ desesi pāṇinaṃ.
319. “Tassa brahme [brāhmaṇa (sī. syā.)] arahato, dhammaṃ sutvā nirūpadhiṃ;
Tattha viññātasaddhammā, puttasokaṃ byapānudim”.
320. “So ahampi gamissāmi, nagaraṃ mithilaṃ pati;
Apeva maṃ so bhagavā, sabbadukkhā pamocaye”.
321. Addasa brāhmaṇo buddhaṃ, vip̐pamuttaṃ nirūpadhiṃ;
Svassa dhammamadeseṣi, muni dukkhassa pāragū.
322. Dukkhaṃ dukkhasamuppādaṃ, dukkhassa ca atikkamaṃ;
Ariyaṃ caṭṭhaṅgikaṃ maggaṃ, dukkhūpasamagāminaṃ.
323. Tattha viññātasaddhammo, pabbajjaṃ samarocayi;
Sujāto tīhi rattīhi, tisso vijjā aphassayi.
324. “Ehi sārathi gacchāhi, rathaṃ niyyādayāhimaṃ;
Ārogyaṃ brāhmaṇiṃ vajja [vajjā (sī.)], ‘pabbaji [pabbajito (sī.)] dāni brāhmaṇo;
Sujāto tīhi rattīhi, tisso vijjā aphassayi”.
325. Tato ca rathamādāya, sahasaṅcāpi sārathi;
Ārogyaṃ brāhmaṇivoca, “pabbaji dāni brāhmaṇo;
Sujāto tīhi rattīhi, tisso vijjā aphassayi”.
326. “Etañcāhaṃ assarathaṃ, sahasaṅcāpi sārathi;
Tevijjaṃ brāhmaṇaṃ sutvā [ñatvā (sī.)], puṇṇapattaṃ dadāmi te”.
327. “Tuyheva hotvassaratho, sahasaṅcāpi brāhmaṇi;
Ahampi pabbajissāmi, varapaññassa santike”.
328. “Hatthī gavassaṃ maṇikuṇḍalañca, phītañcimamaṃ gahavibhavaṃ pahāya;
Pitā pabbajito tuyhaṃ, bhuñja bhogaṇi sundari; Tuvaṃ dāyādikā kule”.
329. “Hatthī gavassaṃ maṇikuṇḍalañca, rammaṃ cimamaṃ gahavibhavaṃ pahāya;

Pitā pabbajito mayhaṃ, puttasokena aṭṭito;

Ahampi pabbajissāmi, bhātusokena aṭṭitā”.

330. “So te ijjahatu saṅkappo, yaṃ tvaṃ patthesi sundarī;
Uttiṭṭhapiṇḍo uñcho ca, paṃsukūlañca cīvaram;
Etāni abhisambhontī, paraloke anāsavā”.
331. “Sikkhamānāya me ayye, dibbacakkhu visodhitam;
Pubbenivāsam jānāmi, yattha me vusitam pure.
332. “Tuvaṃ nissāya kalyāṇī, therī saṅghassa sobhane;
Tisso vijjā anuppattā, kataṃ buddhassa sāsanaṃ.
333. “Anujānāhi me ayye, icche sāvatti gantave;
Sīhanādam nadissāmi, buddhaseṭṭhassa santike”.
334. “Passa sundari sathhāraṃ, hemavaṇṇaṃ harittacaṃ;
Adantānaṃ dametāraṃ, sambuddhamakutobhayaṃ”.
335. “Passa sundarimāyantim, vipparamuttam nirūpadhim;
Vītarāgaṃ viṣaṃyuttam, katakiccamaṇāsavaṃ.
336. “Bārāṇasīto nikkhamma, tava santikamāgatā;
Sāvikā te mahāvīra, pāde vandati sundarī”.
337. “Tuvaṃ buddho tuvaṃ satthā, tuyhaṃ dhītāmi brāhmaṇa;
Orasā mukhato jātā, katakiccā anāsavā”.
338. “Tassā te svāgataṃ bhadde, tato [atho (ka.)] te adurāgataṃ;
Evañhi dantā āyanti, satthu pādāni vandikā;
Vītarāgā viṣaṃyuttā, katakiccā anāsavā”.

... Sundarī therī....

5. Subhākammāradhītutherīgāthā

339. “Daharāhaṃ suddhavasana, yaṃ pure dhammamassuṇim;
Tassā me appamattāya, saccābhisamayo ahu.
340. “Tatohaṃ sabbakāmesu, bhusaṃ aratimajjhagaṃ;
Sakkāyasmim bhayaṃ disvā, nekkhammaeva [nekkhammaññeva (sī.), nekkhammasseva (syā.)] pīhaye.
341. “Hitvānaṃ nātigaṇaṃ, dāsakammakarāni ca;
Gāmakhattāni phītāni, ramaṇīye pamodite.
342. “Pahāyahaṃ pabbajitā, sāpateyyamanappakaṃ;
Evaṃ saddhāya nikkhamma, saddhamme suppavedite.
343. “Netam [na metam (sī. syā.)] assa patirūpaṃ, ākiñcaññañhi patthaye;

Yo [yā (syā.)] jātarūpaṃ rajataṃ, chaḍḍetvā [thapetvā (ka.)] punarāgame [punarāgahe (ka.)].

344. “Rajataṃ jātarūpaṃ vā, na bodhāya na santiyā;
Netāṃ samaṇasārappaṃ, na etaṃ ariyaddhanaṃ.
345. “Lobhanaṃ madanañcetaṃ, mohanaṃ rajavaḍḍhanaṃ;
Sāsankaṃ bahuāyāsaṃ, natthi cettha dhuvaṃ ṭhiti.
346. “Ettha rattā pamattā ca, saṅkiliṭṭhamaṇā narā;
Aññaṃaññaṇa byāruddhā, puthu kubbanti medhagaṃ.
347. “Vadho bandho parikleso, jāni sokapariddavo;
Kāmesu adhipannānaṃ, dissate byasanaṃ bahuṃ.
348. “Taṃ maṃ ñātī amittāva, kiṃ vo kāmesu yuñjatha;
Jānātha maṃ pabbajitaṃ, kāmesu bhayadassiniṃ.
349. “Na hiraññasuvaṇṇena, parikkhīyanti āsavā;
Amittā vadhakā kāmā, sapattā sallabandhanā.
350. “Taṃ maṃ ñātī amittāva, kiṃ vo kāmesu yuñjatha;
Jānātha maṃ pabbajitaṃ, muṇḍaṃ saṅghāṭipārutaṃ.
351. “Uttiṭṭhapiṇḍo uñcho ca, paṃsukūlañca cīvaraṃ;
Etaṃ kho mama sārappaṃ, anagārūpanissayo.
352. “Vantā mahesīhi kāmā, ye dibbā ye ca mānusa;
Khematṭhāne vimuttā te, pattā te acalaṃ sukhaṃ.
353. “Māhaṃ kāmehi saṅgacchiṃ, yesu tāṇaṃ na vijjati;
Amittā vadhakā kāmā, aggikkhandhūpamā dukhā.
354. “Paripantho esa bhayo, savighāto sakaṇṭako;
Gedho suvisamo ceso [lepo (sī.)], mahanto mohanāmukho.
355. “Upasaggo bhīmarūpo, kāmā sappasirūpamā;
Ye bālā abhinandanti, andhabhūtā puthujjanā.
356. “Kāmapaṅkena sattā hi, bahū loke aviddasū;
Pariyantaṃ na jānanti, jātiyā maraṇassa ca.
357. “Duggatigamaṇaṃ maggaṃ, manussā kāmahetukaṃ;
Bahuṃ ve paṭipajjanti, attano rogamāvahaṃ.
358. “Evaṃ amittajananā, tāpanā saṃkilesikā;
Lokāmisā bandhanīyā, kāmā maraṇabandhanā [caraṇabandhanā (sī.)].
359. “Ummādanā ullapanā, kāmā cittappamaddino;
Sattānaṃ saṅkilesāya, khippaṃ [khippaṃ (sī.)] mārena oḍḍitaṃ.
360. “Anantādīnavā kāmā, bahudukkhā mahāvisā;
Appassādā raṇakarā, sukkaṃpakkhavisosanā [visosakā (sī.)].

361. “Sāhaṃ etādisaṃ katvā, byasanaṃ kāmahetukaṃ;
Na taṃ paccāgamiṣāmi, nibbānābhīratā sadā.
362. “Raṇaṃ karitvā [taritvā (sī.)] kāmānaṃ, sītībhāvābhikaṅkhinī;
Appamattā vihassāmi, sabbasaṃyojanakkhaye.
363. “Asokaṃ virajaṃ khemaṃ, ariyaṭṭhaṅgikaṃ ujum;
Taṃ maggaṃ anugacchāmi, yena tiṇṇā mahesino”.
364. Imaṃ passatha dhammaṭṭhaṃ, subhaṃ kammāradhītaraṃ;
Anejaṃ upasampajja, rukkhamaṃlamhi jhāyati.
365. Ajjaṭṭhamī pabbajitā, saddhā saddhammasobhanā;
Vinītuppalavaṇṇāya, tevijjā macchūhāyini.
366. Sāyaṃ bhujissā anaṇā, bhikkhuni bhāvitindriyā;
Sabbayogavisamuttā, katakiccā anāsavā.
367. Taṃ sakko devasaṅghena, upasaṅkamma iddhiyā;
Namassati bhūtapati, subhaṃ kammāradhītaraṃti.

... Subhā kammāradhītā therī...

Vīsatinipāto niṭṭhito.

14. Timsanipāto

1. Subhājīvakambavanikātherīgāthā

368. Jīvakambavanaṃ rammaṃ, gacchantiṃ bhikkhuniṃ subhaṃ;
Dhuttako sannivāresi [taṃ nivāresi (ka.)], tamenāṃ abravī subhā.
369. “Kiṃ te aparādhitaṃ mayā, yaṃ maṃ ovariyāna tiṭṭhasi;
Na hi pabbajitāya āvuso, puriso samphusaṇāya kappati.
370. “Garuke mama satthusāsane, yā sikkhā sugatena desitā;
Parisuddhapadaṃ anaṅgaṇaṃ, kiṃ maṃ ovariyāna tiṭṭhasi.
371. “Āvilacitto anāvilam, sarajo vītarajaṃ anaṅgaṇaṃ;
Sabbattha vimuttamānaṃ, kiṃ maṃ ovariyāna tiṭṭhasi”.
372. “Daharā ca apāpikā casi, kiṃ te pabbajjā karissati;
Nikkhipa kāsāyacīvaraṃ, ehi ramāma supupphite [ramāmase pupphite (sī. syā.)] vane.
373. “Madhuraṅca pavanti sabbaso, kusumarajena samuṭṭhitā dumā;
Paṭhamavasanto sukho utu, ehi ramāma supupphite vane.
374. “Kusumitasikharā ca pādapā, abhigajjantiva māluteritā;
Kā tuyhaṃ rati bhavissati, yadi ekā vanamogahissasi [vanamotarissasi (sī.), vanamogāhissasi (syā. ka.)].

375. “Vālamigasaṅghasevitaṃ, kuṅjaramattakareṇuloḷitaṃ;
Asahāyikā gantumicchasi, rahitaṃ bhiṃsanakaṃ mahāvanaṃ.
376. “Tapanīyakatāva dhītikā, vicarasi cittalateva accharā;
Kāsikasukhumehi vaggubhi, sobhasī suvasanehi nūpame.
377. “Ahaṃ tava vasānugo siyaṃ, yadi viharemase [yadipi viharesi (ka.)] kānanantare;
Na hi matthi tayā piyattaro, pāṇo kinnarimandalocane.
378. “Yadi me vacanaṃ karissasi, sukhitā ehi agāramāvasa;
Pāsādanivātavāsini, parikammaṃ te karontu nāriyo.
379. “Kāsikasukhumāni dhāraya, abhiropehi [abhirohehi (sī.)] ca mālavaṇṇakaṃ;
Kaṅcanamaṇimuttakaṃ bahuṃ, vividhaṃ ābharaṇaṃ karomi te.
380. “Sudhotarajapacchadaṃ subhaṃ, goṇakatūlikasanthataṃ navam;
Abhiruha sayanaṃ mahārahaṃ, candanamaṇḍitasāragandhikaṃ;
381. “Uppalaṃ cudakā samuggataṃ, yathā taṃ amanussasevitaṃ;
Evaṃ tvaṃ brahmacāriṇī, sakesaṅgesu jaraṃ gamissasi”.
382. “Kiṃ te idha sārasammataṃ, kuṇapapūramhi susānavaḍḍhane;
Bhedanadhamme kaḷevare [kalevare (sī. ka.)], yaṃ disvā vimano udikkhasi”.
383. “Akkhīni ca turiyāriya, kinnariyāriya pabbatantare;
Tava me nayanāni dakkhiya, bhiyyo kāmaratī pavaḍḍhati.
384. “Uppalasikharopamāni te, vimale hāṭakasannibhe mukhe;
Tava me nayanāni dakkhiya [nayanānudikkhiya (sī.)], bhiyyo kāmaguṇo pavaḍḍhati.
385. “Api dūragatā saramhase, āyatapamhe visuddhadassane;
Na hi matthi tayā piyattarā, nayanā kinnarimandalocane”.
386. “Apathena payātumicchasi, candaṃ kīḷanakaṃ gavesasi;
Meruṃ laṅghetumicchasi, yo tvaṃ buddhasutaṃ maggayasi.
387. “Natthi hi loke sadevake, rāgo yatthapi dāni me siyā;
Napi naṃ jānāmi kīriso, atha maggena hato samūlako.
388. “Ingālakuyāva [iṅghā]akhuyāva (syā.)] ujjhito, visapattoriva aggito kato [agghato hato (sī.)];
Napi naṃ passāmi kīriso, atha maggena hato samūlako.
389. “Yassā siyā apaccavekkhitaṃ, satthā vā anupāsito siyā;
Tvaṃ tādisikaṃ palobhaya, jānantiṃ so imaṃ vihaññasi.
390. “Mayhañhi akkuṭṭhavandite, sukhadukkhe ca satī upaṭṭhitā;
Sāṅkhatamasubhanti jāniya, sabbattheva mano na limpati.
391. “Sāhaṃ sugatassa sāvika, maggaṭṭhaṅgikayānāyāyinī;
Uddhaṭasallā anāsavā, suññāgāragatā ramāmaṃ.
392. “Diṭṭhā hi mayā sucittitā, sombhā dārukapiḷlakāni vā;

Tantīhi ca khīlakehi ca, vinibaddhā vividhaṃ panaccakā.

393. “Tamhuddhaṭṭe tantikhīlake, vissaṭṭhe vikale parikrite [paripakkhīte (sī.), paripakkate (syā.)];
Na vindeyya khaṇḍaso kate, kimhi tattha manañ nivesaye.
394. “Tathūpamā dehakāni maṃ, tehi dhammehi vinā na vattanti;
Dhammehi vinā na vattati, kimhi tattha manañ nivesaye.
395. “Yathā haritālena makkhitaṃ, addasa cittaṃ bhittiyā kataṃ;
Tamhi te viparītadassanaṃ, saññā mānūsikā niratthikā.
396. “Māyaṃ viya aggato kataṃ, supinanteva suvaṇṇapādapaṃ;
Upagacchasi andha rittakaṃ, janamajjheriva rupparūpakaṃ [rūparūpakaṃ (ka.)].
397. “Vaṭṭaniriva koṭarohitā, majjhe pubbulakā saassukā;
Pīlakoḷikā cettha jāyati, vividhā cakkhuvadhā ca piṇḍitā”.
398. Uppāṭiya cārudassanā, na ca pajjittha asaṅgamānasā;
“Handa te cakkhuṃ harassu taṃ”, tassa narassa adāsi tāvade.
399. Tassa ca viramāsi tāvade, rāgo tattha khamāpayī ca naṃ;
“Sotthi siyā brahmacārinī, na puno edisakaṃ bhavissati”.
400. “Āsādiya [āhaniya (syā. ka.)] edisaṃ janañ, aggim pajjalitaṃ va liṅgiya;
Gaṇhiya āsīvisaṃ viya, api nu sotthi siyā khamehi no”.
401. Muttā ca tato sā bhikkhunī, agamī buddhavarassa santikaṃ;
Passiya varapuññalakkhaṇañ, cakkhu āsi yathā purāṇakanti.

... Subhā jīvakambavanikā therī....

Timsanipāto niṭṭhito.

15. Cattālīsanipāto

1. Isidāsītherīgāthā

402. Nagaramhi kusumanāme, pāṭaliputtamhi pathaviyā maṇḍe;
Sakyakulakulīnāyo, dve bhikkhuniyo hi guṇavatiyo.
403. Isidāsī tattha ekā, dutiyā bodhīti sīlasampannā ca;
Jhānajjhāyanaratāyo, bahussutāyo dhutakilesāyo.
404. Tā piṇḍāya caritvā, bhattattaṃ [bhattattaṃ (sī.)] kariya dhotapattāyo;
Rahitamhi sukhanisinnā, imā girā abbhudīresuṃ.
405. “Pāsādikāsi ayye, isidāsī vayopi te aparihīno;
Kiṃ disvāna byālikam, athāsi nekkhammanuyuttā”.
406. Evamanuyuñjyamānā sā, rahite dhammadesanākusalā;
Isidāsī vacanamabravi, “suṇa bodhi yathāmi pabbajitā.
407. “Ujjeniyā puravare, mayhaṃ pitā sīlasaṃvuto seṭṭhi;
Tassamhi ekadhīta, piyā manāpā ca dayitā ca.

408. “Atha me sāketato varakā, āgacchumuttamakulīnā;
Seṭṭhī pahūtaratano, tassa mamaṃ suṇhamadāsi tāto.
409. “Sassuyā sassurassa ca, sāyaṃ pātaṃ paṇāmamupagamma;
Sirasā karomi pāde, vandāmi yathāmhī anusitṭhā.
410. “Yā mayhaṃ sāmikassa, bhaginiyo bhātuno parijano vā;
Tamekavarakampi disvā, ubbiggā āsanaṃ demi.
411. “Annena ca pānena ca, khajjena ca yañca tattha sannihitaṃ;
Chāдеми upanayāmi ca, demi ca yaṃ yassa patirūpaṃ.
412. “Kālena upaṭṭhahitvā [uṭṭhahitvā (syā. ka.), upaṭṭhahitum (?)], gharaṃ samupagamāmi
ummāre;
Dhovantī hatthapāde, pañjalikā sāmikamupemi.
413. “Kocchaṃ pasādaṃ añjaniñca, ādāsakañca gaṇhitvā;
Parikammakārikā viya, sayameva patiṃ vibhūsemi.
414. “Sayameva odanaṃ sādhyāmi, sayameva bhājanaṃ dhovantī;
Mātāva ekaputtakaṃ, tathā [tadā (sī.)] bhattāraṃ paricarāmi.
415. “Evaṃ maṃ bhattikataṃ, anurattaṃ kārikaṃ nihataṃ mānaṃ;
Uṭṭhāyikaṃ [uṭṭhāhikaṃ (ka.)] analasaṃ, sīlavatiṃ dussate bhattā.
416. “So mātarañca pitarañca, bhaṇati ‘āpucchahaṃ gamissāmi;
Isidāsiyā na saha vacchaṃ, ekāgārehaṃ [ekagharepa’haṃ (?)] saha vatthum’.
417. “Mā evaṃ putta avaca, isidāsī paṇḍitā paribyattā;
Uṭṭhāyikā analasā, kiṃ tuyhaṃ na rocate putta’.
418. “Na ca me hiṃsati kiñci, na cahaṃ isidāsiyā saha vacchaṃ;
Dessāva me alaṃ me, apucchāhaṃ [āpucchāhaṃ (syā.), āpucchahaṃ-nāpucchahaṃ (?)]
gamissāmi’.
419. “Tassa vacanaṃ suṇitvā, sassu sasuro ca maṃ apucchimsu;
‘Kissa [kiṃsa (?)] tayā aparaddhaṃ, bhaṇa vissaṭṭhā yathābhūtaṃ’.
420. “Napihaṃ aparajjhaṃ kiñci, napi hiṃsemi na bhaṇāmi dubbacanaṃ;
Kiṃ sakkā kātuyye, yaṃ maṃ viddessate bhattā’.
421. “Te maṃ pitugharaṃ paṭinayiṃsu, vimaṇā dukhena adhibhūtā;
‘Puttamanurakkhamānā, jītāmhase rūpiniṃ lakkhiṃ’.
422. “Atha maṃ adāsi tāto, aḍḍhassa gharamhi dutiyakulikassa;
Tato upaḍḍhasuṅkena, yena maṃ vindatha seṭṭhi.
423. “Tassapi gharamhi māsaṃ, avasiṃ atha sopi maṃ paṭiccharayi [paṭicchasi (sī. ka.), paṭicchati
(syā.), paṭicchati (ka.)];
Dāsīva upaṭṭhahantiṃ, adūsikaṃ sīlasampannaṃ.
424. “Bhikkhāya ca vicarantaṃ, damakaṃ dantaṃ me pitā bhaṇati;

- ‘Hohisi [sohisi (sabbattha)] me jāmātā, nikkhipa poṭṭhiṅca [pontim̐ (sī. syā.)] ghaṭikaṅca’.
425. ‘‘Sopi vasitvā pakkhaṃ [pakkamatha (sī.)], atha tātaṃ bhaṇati ‘dehi me poṭṭhiṃ; Ghaṭikaṅca mallakaṅca, punapi bhikkhaṃ carissāmi’.
426. ‘‘Atha naṃ bhaṇatī tāto, ammā sabbo ca me ñātigaṇavaggo; ‘Kiṃ te na kīrati idha, bhaṇa khippaṃ taṃ te karihi’ ti.
427. ‘‘Evaṃ bhaṇito bhaṇati, ‘yadi me attā sakkoti alaṃ mayhaṃ; Isidāsiyā na saha vacchaṃ, ekagharehaṃ saha vatthum̐’.
428. ‘‘Vissajjito gato so, ahampi ekākinī vicintemi; ‘Āpucchitūna gacchaṃ, marituye [maritāye (sī.), maritum̐ (syā.)] vā pabbajissaṃ vā’.
429. ‘‘Atha ayyā jinadattā, āgacchī gocarāya caramānā; Tātakulaṃ vinayadharī, bahussutā sīlasampannā.
430. ‘‘Taṃ disvāna amhākaṃ, uṭṭhāyāsaṇaṃ tassā paññāpayiṃ; Nisinnāya ca pāde, vanditvā bhojanamadāsiṃ.
431. ‘‘Annena ca pānena ca, khajjena ca yaṅca tattha sannihitaṃ; Santappayitvā avacaṃ, ‘ayye icchāmi pabbajitum̐’.
432. ‘‘Atha maṃ bhaṇatī tāto, ‘idheva puttaka [puttike (syā. ka.)] carāhi tvaṃ dhammaṃ; Annena ca pānena ca, tappaya samaṇe dvijātī ca’.
433. ‘‘Athahaṃ bhaṇāmi tātaṃ, rodantī añjaliṃ paṇāmetvā; ‘Pāpañhi mayā pakataṃ, kammaṃ taṃ nijjaressāmi’.
434. ‘‘Atha maṃ bhaṇatī tāto, ‘pāpuṇa bodhiṅca aggadhammaṅca; Nibbānaṅca labhassu, yaṃ sacchikarī dvipadaseṭṭho’.
435. ‘‘Mātāpitū abhivādayitvā, sabbaṅca ñātigaṇavaggaṃ; Sattāhaṃ pabbajitā, tisso vijjā aphassayiṃ.
436. ‘‘Jānāmi attano satta, jātiyo yassayaṃ phalavipāko; Taṃ tava ācikkhissaṃ, taṃ ekamaṇā nisāmehi.
437. ‘‘Nagaramhi erakacche [erakakacche (syā. ka.)], suvaṇṇakāro ahaṃ pahūtadhano; Yobbanamadena matto so, paradāraṃ asevihaṃ.
438. ‘‘Sohaṃ tato cavitvā, nirayamhi apaccissaṃ ciraṃ; Pakko tato ca uṭṭhahitvā, makkaṭiyā kucchimokkamaṃ.
439. ‘‘Sattāhajātakaṃ maṃ, mahākapi yūthapo nillacchesi; Tassettaṃ kammaphalaṃ, yathāpi gantvāna paradāraṃ.
440. ‘‘Sohaṃ tato cavitvā, kālaṃ karitvā sindhavāraññe; Kāṇāya ca khañjāya ca, eḷakiyā kucchimokkamaṃ.
441. ‘‘Dvādasa vassāni ahaṃ, nillacchito dārake parivahitvā; Kimināvaṭṭo akallo, yathāpi gantvāna paradāraṃ.

442. “Sohaṃ tato cavitvā, govāṇijakassa gāviyā jāto;
Vaccho lākhātambo, nillacchito dvādase māse.
443. “Voḍhūna [te puna (syā. ka.), vodhuna (ka. aṭṭha.)] naṅgalamaḥaṃ, sakaṭaṇca dhārayāmi;
Andhovaṭṭo akallo, yathāpi gantvāna paradāraṃ.
444. “Sohaṃ tato cavitvā, vīthiyā dāsiyā ghare jāto;
Neva mahilā na puriso, yathāpi gantvāna paradāraṃ.
445. “Timsativassamhi mato, sākāṭikakulamhi dārikā jātā;
Kapaṇamhi appabhoge, dhanika [aṇika (aṭṭha.), taṃsaṃvaṇṇanāyampi atthayutti gavesitabbā]
purisapātabahulamhi.
446. “Taṃ maṃ tato sathavāho, ussannāya vipulāya vaḍḍhiyā;
Okaddhati vilapantiṃ, acchinditvā kulagharasmā.
447. “Atha soḷasame vasse, disvā maṃ pattayobbanam kaññaṃ;
Orundhatassa putto, giridāso nāma nāmena.
448. “Tassapi añña bhariyā, sīlavatī guṇavatī yasavatī ca;
Anurattā [anuvattā (ka.)] bhattāraṃ, tassāhaṃ [tassa taṃ (?)] viddesanamakāsiṃ.
449. “Tassetam kammaphalaṃ, yaṃ maṃ apakīritūna gacchanti;
Dāsīva upaṭṭhahantiṃ, tassapi anto kato mayā’ ti.

... Isidāsī therī....

Cattālīsanipāto niṭṭhito.

16. Mahānipāto

1. Sumedhātherīgāthā

450. Mantāvatiyā nagare, rañño koṅcassa aggamaheṣiyā;
Dhītā āsiṃ sumedhā, pasādītā sāsanaḥarehi.
451. Sīlavatī cittaḥā, bahussutā buddhasāsane vinītā;
Mātāpitaro upagamma, bhaṇati “ubhayo nisāmetha.
452. “Nibbānābhiratāhaṃ, asassataṃ bhavagataṃ yadipi dibbaṃ;
Kimaṅgaṃ pana [kimaṅga pana (sī. syā.), kiṃ pana (?)] tucchā kāmā, appassādā bahuvighātā.
453. “Kāmā kaṭukā āsīvisūpamā, yesu mucchitā bālā;
Te dīgharattaṃ niraye, samappitā haññaṇte dukkhitā [haññaṇte dukkhitā (?)].
454. “Socanti pāpakammā, vinipāte pāpavaddhino sadā;
Kāyena ca vācāya ca, manasā ca asaṃvutā bālā.
455. “Bālā te duppañña, acetanā dukkhasamudayoruddhā;
Desante aṅānantā, na bujjhare ariyasaccāni.

456. “Saccāni amma buddhavaradesitāni, te bahutarā ajānantā ye;
Abhinandanti bhavagataṃ, pihenti devesu upapattiṃ.
457. “Devesupi upapatti, asassatā bhavagate aniccami;
Na ca santasanti bālā, punappunaṃ jāyitabbassa.
458. “Cattāro vinipātā, duve [dve (sabbattha)] ca gatiyo kathañci labbhanti;
Na ca vinipātagatānaṃ, pabbajjā atthi nirayesu.
459. “Anujānātha maṃ ubhayo, pabbajituṃ dasabalassa pāvacane;
Apossukkā ghaṭissaṃ, jātimaraṇappahānāya.
460. “Kiṃ bhavagate [bhavagatena (syā.)] abhinanditena, kāyakalinā asārena;
Bhavatanhāya nirodhā, anujānātha pabbajissāmi.
461. “Buddhānaṃ uppādo vivajjito, akkhaṇo khaṇo laddho;
Sīlāni brahmacariyaṃ, yāvajjivaṃ na dūseyyaṃ”.
462. Evaṃ bhaṇati sumedhā, mātāpitaro “na tāva āhāraṃ;
Āharissaṃ [āhariyāmi (sī.), āhārisaṃ (?)] gahaṭṭhā, maraṇavasam gatāva hessāmi”.
463. Mātā dukkhitā rodati pitā ca, assā sabbaso samabhihato;
Ghaṭenti saññāpetuṃ, pāsādāle chamāpatitaṃ.
464. “Uṭṭhehi puttaka kiṃ socitena, dinnāsi vāraṇavatimhi;
Rājā anīkaratto [aṇīkadatto (sī. syā.)], abhirūpo tassa tvaṃ dinnā.
465. “Aggamahesī bhavissasi, anikarattassa rājino bhariyā;
Sīlāni brahmacariyaṃ, pabbajjā dukkarā puttaka.
466. “Rajje āṇādhanaṃissariyaṃ, bhogā sukhā daharikāsi;
Bhuñjāhi kāmaḥoge, vāreyyaṃ hotu te putta”.
467. Atha ne bhaṇati sumedhā, “mā edisikāni bhavagatamasāraṃ;
Pabbajjā vā hohiti, maraṇaṃ vā me na ceva vāreyyaṃ.
468. “Kimiva pūtikāyamasuciṃ, savanagandhaṃ bhayānakaṃ kuṇapaṃ;
Abhisamviseyyaṃ bhastaṃ, asakiṃ paggharitaṃ asucipuṇṇaṃ.
469. “Kimiva tāhaṃ jānantī, vikulakaṃ maṃsasoṇitupalittaṃ;
Kimikulālayaṃ sakuṇabhattaṃ, kaḷevaraṃ kissa diyyati.
470. “Nibbuyhati susānaṃ, aciraṃ kāyo apetaviññāṇo;
Chuddho [chaḍḍito (syā.), chuṭṭho (ka.)] kaḷiṅgaram viya, jīgucchamānehi ñātīhi.
471. “Chuddhūna [chaḍḍūna (syā.), chuṭṭhūna (ka.)] naṃ susāne, parabhattaṃ nhāyanti [nhāyare
(?)] jigucchantā;
Niyakā mātāpitaro, kiṃ pana sādharmaṇā janatā.
472. “Ajjhositā asāre, kaḷevare aṭṭhinhārusaṅghāte;
Kheḷassuccārassava, paripuṇṇe [kheḷassuccārappassavapariṇṇe (sī.)] pūtikāyamhi.

473. “Yo naṃ vinibbhujitvā, abbhantaramassa bāhiraṃ kayirā;
Gandhassa asahamānā, sakāpi mātā jiguccheyya.
474. “Khandhadhātuāyatanam, saṅkhatam jātimūlakam dukkham;
Yoniso anuvicinantī, vāreyyam kissa iccheyyam.
475. “Divase divase tisatti, satāni navanavā pateyyum kāyamhi;
Vassasatampi ca ghāto, seyyo dukkhassa cevaṃ khayō.
476. “Ajjhupagacche ghātam, yo viññāyevaṃ satthuno vacanam;
‘Dīgho tesam [vo (ka.)] saṃsāro, punappunam haññamānānam’.
477. “Devesu manussesu ca, tiracchānayanīyā asurakāye;
Petesu ca nirayesu ca, aparimitā dissare ghātā.
478. “Ghātā nirayesu bahū, vinipātagatassa pīḷiyamānassa [kilissamānassa (syā. ka.)];
Devesupi attānam, nibbānasukhā param natthi.
479. “Pattā te nibbānam, ye yuttā dasabalassa pāvacane;
Appossukkā ghaṭenti, jātimaraṇappahānāya.
480. “Ajjeva tātabhinikkhamissam, bhogehi kiṃ asārehi;
Nibbinnā me kāmā, vantasamā tālavatthukatā’.
481. Sā cevaṃ bhaṇati pitaramanīkaratto ca yassa sā dinnā;
Upayāsi vāraṇavate, vāreyyamupaṭṭhite kāle.
482. Atha asitanicitamuduke, kese khaggena chindiya sumedhā;
Pāsādam pidahitvā [pidhetvā (sī. syā.), pidhitvā (ka.)], paṭhamajjhānam samāpajji.
483. Sā ca taḥim samāpannā, anīkaratto ca āgato nagaram;
Pāsāde ca [pāsādeva (sī. syā.)] sumedhā, aniccasaññaṃ [aniccasañña (sabbattha)] subhāveti.
484. Sā ca manasi karoti, anīkaratto ca āruhī turitam;
Maṇikanakabhūsitāṅgo, katañjalī yācati sumedham.
485. “Rajje āṇāadhanamissariyam, bhogā sukhā daharikāsi;
Bhuñjāhi kāmabhoge, kāmasukhā dullabhā loke.
486. “Nissaṭṭham te rajjam, bhoge bhuñjassu dehi dānāni;
Mā dummanā ahosi, mātāpitaro te dukkhitā’ [mātāpitaro ca te dukkhitā (?)].
487. Tam tam bhaṇati sumedhā, kāmehi anattikā vigatamohā;
“Mā kāme abhinandi, kāmesvādīnavam passa.
488. “Cātuddīpo rājā mandhātā, āsi kāmabhogina maggo;
Atitto kālaṅkato, na cassa paripūritā icchā.
489. “Satta ratanāni vasseyya, vuṭṭhimā dasadisā samantena;
Na catthi titti kāmānam, atittāva maranti narā.
490. “Asisūnūpamā kāmā, kāmā sappasiropamā;

Ukkopamā anudahanti, aṭṭhikaṅkala [kaṅkhala (sī.)] sannibhā.

491. “Aniccā addhuvā kāmā, bahudukkhā mahāvisā;
Ayoguḷova santatto, aghamūlā dukhapphalā.
492. “Rukkhapphalūpamā kāmā, maṃsapesūpamā dukhā;
Supinopamā vañcaniyā, kāmā yācitakūpamā.
493. “Sattisūlūpamā kāmā, rogo gaṇḍo aghaṃ nighaṃ;
Aṅgārakāsusadisā, aghamūlaṃ bhayaṃ vadho.
494. “Evaṃ bahudukkhā kāmā, akkhātā antarāyikā;
Gacchatha na me bhagavate, vissāso atthi attano.
495. “Kiṃ mama paro karissati, attano sīsamhi ḍayhamānamhi;
Anubandhe jarāmaraṇe, tassa ghātāya ghaṭṭitabbaṃ”.
496. Dvāraṃ apāpuritvānaḥaṃ [avāpuritvāhaṃ (sī.)], mātāpitaro anīkarattañca;
Disvāna chamaṃ nisinne, rodante idamavocaṃ.
497. “Dīgho bālānaṃ saṃsāro, punappunañca rodattaṃ;
Anamatagge pitu maraṇe, bhātu vadhe attano ca vadhe.
498. “Assu thaññaṃ rudhiraṃ, saṃsāraṃ anamataggato saratha;
Sattānaṃ saṃsarattaṃ, sarāhi aṭṭhinañca sannicayaṃ.
499. “Sara caturodadhī [sarassu caturo udadhī (?)], upanīte assuthaññarudhiraṃ;
Sara ekakappamaṭṭhīnaṃ, sañcayaṃ vipulena samaṃ.
500. “Anamatagge saṃsarato, mahiṃ [mahāmahiṃ (?)] jambudīpamupanītaṃ;
Kolaṭṭhimattaguḷikā, mātā mātusveva nappahonti.
501. “Tiṇakaṭṭhasākhāpalāsaṃ [sara tiṇakaṭṭhasākhāpalāsaṃ (sī.)], upanītaṃ anamataggato sara;
Caturaṅgulikā ghaṭṭikā, pitupitusveva nappahonti.
502. “Sara kāṇakacchapaṃ pubbasamudde, aparato ca yugachiddaṃ;
Sīraṃ [sara (sī.)] tassa ca paṭimukkaṃ, manussalābhamhi opammaṃ.
503. “Sara rūpaṃ pheṇapiṇḍopamassa, kāyakalino asārassa;
Khandhe passa anicce, sarāhi niraye bahuvighāte.
504. “Sara kaṭasiṃ vaḍḍhente, punappaṇaṃ tāsū tāsū jāṭīsu;
Sara kumbhīlabhayāni ca, sarāhi cattāri saccāni.
505. “Amatamhi vijjamāne, kiṃ tava pañcakaṭṭukena pītena;
Sabbā hi kāmaratiyo, kaṭukatarā pañcakaṭṭukena.
506. “Amatamhi vijjamāne, kiṃ tava kāmehi ye pariḷāhā [sapariḷāhā (sī. aṭṭha.)];
Sabbā hi kāmaratiyo, jalitā kuthitā kampitā santāpitā.
507. “Asapattamhi samāne, kiṃ tava kāmehi ye bahusapattā;
Rājaggicoraudakappiyehi, sādharmaṇā kāmā bahusapattā.

508. “Mokkhamhi vijjamāne, kiṃ tava kāmehi yesu vadhabandho;
Kāmesu hi asakāmā, vadhabandhadukhāni anubhonti.
509. “Ādīpitā tiṇukkā, gaṇhantaṃ dahanti neva muñcantaṃ;
Ukkopamā hi kāmā, dahanti ye te na muñcanti.
510. “Mā appakassa hetu, kāmasukhassa vipulaṃ jahī sukhaṃ;
Mā puthulomova baḷisaṃ, gilitvā pacchā vihaññasi.
511. “Kāmaṃ kāmesu damassu, tāva sunakhova saṅkhalābaddho;
Kāhinti khu taṃ kāmā, chātā sunakhaṃva caṇḍalā.
512. “Aparimitañca dukkhaṃ, bahūni ca cittadomanassāni;
Anubhohisi kāmuyutto, paṭinissaja [paṭinissara (sī.)] addhuve kāme.
513. “Ajaramhi vijjamāne, kiṃ tava kāmehi [yesu jarāya ca; maraṇabyādhihi gahitā (?)] yesu jarā;
Maraṇabyādhigahitā [yesu jarāya ca; maraṇabyādhihi gahitā (?)], sabbā sabbattha jātiyo.
514. “Idamajaramidamamaram [idaṃ ajaraṃ idaṃ amaraṃ (?)], idamajarāmaram padamasokaṃ;
Asapattamasambādhaṃ, akhalitamabhayaṃ nirupaṭāpaṃ.
515. “Adhigatamidaṃ bahūhi, amataṃ ajjāpi ca labhanīyamidaṃ;
Yo yoniso payuñjati, na ca sakkā aghaṭamānena”.
516. Evaṃ bhaṇati sumedhā, saṅkhāragate ratim alabhamānā;
Anunentī anikarattaṃ, kese ca chamaṃ khipi sumedhā.
517. Uṭṭhāya anikaratto, pañjaliko yācitassā pitaraṃ so;
“Vissajjetha sumedhaṃ, pabbajituṃ vimokkhasaccadassā”.
518. Vissajjitā mātāpitūhi, pabbaji sokabhayabhītā;
Cha abhiññā sacchikatā, aggaphalaṃ sikkhamānāya.
519. Acchariyamabbhutaṃ taṃ, nibbānaṃ āsi rājakaññāya;
Pubbenivāsacariṭaṃ, yathā byākari pacchime kāle.
520. “Bhagavati koṇāgamane, saṅghārāmamhi navanivesamhi;
Sakhiyo tisso janiyo, vihāradānaṃ adāsīmha.
521. “Dasakkhattuṃ satakkhattuṃ, dasasatakkhattuṃ satāni ca satakkhattuṃ;
Devesu uppajjimha, ko pana vādo manussesu.
522. “Devesu mahiddhikā ahumha, mānusakamhi ko pana vādo;
Sattaratanassa mahesī, itthirataṃ ahaṃ āsiṃ.
523. “So hetu so pabhavo, taṃ mūlaṃ sāva sāsane khantī;
Taṃ paṭhamasamodhānaṃ, taṃ dhammaratāya nibbānaṃ”.
524. Evaṃ karonti ye saddahanti, vacanaṃ anomapaññassa;
Nibbindanti bhavagate, nibbinditvā virajjantīti.
- Itthaṃ sudaṃ sumedhā therī gāthāyo abhāsittthāti.

Mahānipāto niṭṭhito.

Samattā therīgāthāyo.

Gāthāsātāni cattāri, asīti puna cuddasa [[gāthāsankhyā idha anukkamaṇikagaṇanāvasena pākaṭā](#)];

Theriyekuttarasatā [[theriyekuttarachasatā \(?\) tiṃsamattāpi pañcasatamattāpi theriyo ekato āgatā manasikātabbā](#)], sabbā tā āsavakkhayāti.

Therīgāthāpāli niṭṭhitā.